



सानसेयारि 'बड'सा' खीर्वालाइयाव अमाज्यारि जिउजो लोब्बा थानाय रुयथाय, अन्थाय, अल', अल'बाथा आरु हावबायारि थावनि, पार्क बाइदिनि सायाव लिहनाय लिहबिबाँ दैथाय हर/ सानसेयारि 'बड'सा' खीर्वालाइया सेबखानावै फोखावगेन/

बड'सायाव लिहनायनि हुबा अलाम, 'बड'सा' खी नोथो, जो बयबो आंगो अलाम/

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बितिसि-783370

Website: www.bodosanewspaper.com

BODOSA ★ A Bodo News Daily ★ Saturday ★ 21 December, 2024 Kokrajhar, BTC, Assam ★ Vol.-33, Issue No.264 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

लामा जाब्रबथायाव सासे सुबुनि जिउ खहा, दुंहाव थासारि सोमजिदों

गुवाहाटी, 20 डिसेम्बर: राइज्योनि गुबुन गुबुन ओन्सोलाव डाम्पारफोरनि गोखै खारनायाव राइजो-राजाफोर गिखानाय मोन्दों। बेबादियाव चिरां जिल्लानि आइ देसानि हग्रामा दालानि साखाथियाव अन्थाइ-बाला लानाय गंसे डाम्पारआ सासे बैसो जानाय आइजोखौ सोप्रावहोदों। जाब्रबथायाव बैसो जानाय आइजोआ जाथायसालियाव जिउ गोमादों। जिउ गोमानाय आइजोखौ तुलसिझार गामिनि बुलेशा बेवा (75) होना सिनायथिदों। लामा (□ 6 बिलाइआव)

नगावआव जौगाथायनि 12 सान हाबाफारियाव गिबि मन्थिआ बाहागो लादों आसामाव दुखु-दाहानि सोलायै जौगाथायनि फोर्बो फालिनाय जादों: गिबि मन्थि

दिसपुर, 20 डिसेम्बर: राइज्योनि जौगाथायनि खारथायखौ गोखौंसिन खालामनो आरो राइजो-राजाफोरनि अन्साइनायखौ सिगांग्रो नोजोर होनाई राइज्यो सरकारा थांनाय 11 डिसेम्बरनिफ्राय जौगाथायनि 12 सान मुंजों जागायजेन्नाय थाद'नाय गैयै हान्थिनयनि बाहागो महैर गिबि मन्थि ड हिमन्त बिश्व शर्माआ दिने नगावआव प्रज्ञान भारति (□ 6 बिलाइआव)



सिआइटिनि थामथि कन्भेकेशन फोर्बो खुंदों

कक्राझार, 20 डिसेम्बर: बितिसि रादाय बायदियै कक्राझारआव गायसनजानाय मिरु बिरोंदामिन सोलोंथाय फरसथान सुंदयै सिआइटिनि दिने थामथि कन्भेकेशन फोर्बो खुनाय जादों। कक्राझार सहरनि चान्दामारियाव थानाय बड'फा उपेन्द्रनाथ ब्रह्म हारिमुआरि मिरुआव दिने खुनाय कन्भेकेशन फोर्बोआव सा 301 डिग्रि लानाय फरायसा आरो सा 102 दिप्लमा लानाय फरायसाजों लोगोसे गासै सा 468 फरायसाफोरा बे हाबाफारियाव उथिनयनि फोरमान बिलाइ मोन्नायखौ आजावना लादों। लोगोसेनो सा 13 पिएइसडिनि फरायसाफोर आरो सा 48 पिजिनि फरायसाफोरबो दिने डिग्रि आरो डिप्लमा मोन्नो



हायो। हाबाफारियाव गाहाइ आलासि महैर बितिसिनि गाहाइ मावफुं सोद्रोमा आरो सिआइटि ससाइटिनि आफादगिरि प्रमद बर'आ बाहागो लाफेदों। बिथाड फरायसाफोरखौ थांखिनानै बुंदोंदि, बे हाबाफारिया फरायसाफोरनि थाखाय मोनसे फोरमान, जाय डिग्रि आरजिनो (□ 6 बिलाइआव)

उदालगुरि जिल्ला एबसुनि खुंगा 50थि बोसोरसालिया जथुम्माया खुफुंजाबाय

एबसुनि मोन्थोरआ बर' हारियावल' नडा भारतनि गुबुन गुबुन हारिफोरनि गेजेरावबो बिहोमा दडः दिपेन बर'

उदालगुरि, 20 डिसेम्बर: उदालगुरि जिल्ला दुलाराय बर' फरायसा आफादनि खुंगा 50थि बोसोरसालिया जथुम्माया थांनाय 18 डिसेम्बरनिफ्राय जागायनानै दिने 20 डिसेम्बर, 2024 खालारसिम सानथामनि मेहेरगोना हाबाफारिजों मेहेरगोनाडैखुंफुंजाबाय। जिल्ला एबसुनि आफादगिरि कर्नेलियास दैमारिनि मासि सामलायनाय दिनेनि गेवलां मेलखौ बेखेवनानै (□ 6 बिलाइआव)



फलायिं रुट इन्सटिटिसनआ लाइमोनफोरखौ खामानियाव थिसन्यायनि थाखाय खुंनो लादों साइख' आन्जाद

कक्राझार, 20 डिसेम्बर: खामानि एबा साखि हांखुर जानाय लाइमोनफोरनि थाखाय गोजोनथाव खौरां। ग्रेजुएट जानानै थानाय लाइमोनफोरनि थाखाय लानानै फेदों साखिनि मोनसे मोजां खाबु। कक्राझारनि खोदोमतलायाव थानाय फलायिं रुट फरसथानआ लानानै फेदों बे मोजां खाबुखौ। कक्राझार सहरनि खोदोमतलायाव थानाय फलायिं रुट इन्सटिटिसनआ (□ 6 बिलाइआव)

भारत-भुटान सिमना ओन्सोलाव मैदेरनि उतखाराव गोबां न'-बां सिलिंखार जादों



तामुलपुर, 20 डिसेम्बर: तामुलपुर जिल्लानि भारत-भुटान सिमना ओन्सोलाव दासानि हग्रानि मैदेर उतखार खालामगसिनो दं। थांनाय हराव भारत-भुटान सिमना ओन्सोलनि हरतला, पातकिजुलि, हातिडुबायाव हग्रानि मैदेर उतखार खालामनानै गोबां न'-बां बोफाय-बोसि खालामनायजों (□ 6 बिलाइआव)

कुमारिकाता आसार्यकुलाम सोलोंसालिनि बोसोरारि गेलेमु सान फालिदों

तामुलपुर, 20 डिसेम्बर: तामुलपुर जिल्लानि कुमारिकाता आसार्यकुलाम सोलोंसालिआव दिनेनिफ्राय जागायनानै सान्थामनि हाबाफारिजों बोसोरारि गेलेमु सान सोलिगसिनो दड। बे बोसोरारि गेलेमु सानखौ कुमारिकाता आसार्यकुलाम फरायसालिआ मोनसे समायना आरो गेलेमु दिन्थिफुनाय हाबाफारिनि गेजेरजों तामुलपुर बियाबनि एमएलए जलेन दैमारि आरो मुंदांखा एथलेटिक्स गेलेगिरि, आसामनि सासे जाफुसार गेलेगिरि बिपुल हान्दिकनि



जथाइयै नुजाथिनायाव जागायो। खुंफुंजानाय बे बोसोरारि गेलेनायखौ तामुलपुर बियाबनि एमएलए जलेन दैमारिआ

बेखेवनानै बुंथियोदि, कुमारिकाता आसार्यकुलामनि फरायसाफोरनि गेलेनाया थारैनो (□ 6 बिलाइआव)

खन्थाइ बिबार हान्जाया अरन राजा बसुमतारिनिसिम गाहाम हामब्लाइथि बाउहरदों

रडिया, 20 डिसेम्बर: 'सोरनि थाखाय' सल'मा बिजाबनि थाखाय 2024 ई माइथायनि साहित्य अकाडेमी बान्था मोननो हानाय अरन राजा बसुमतारिनिसिम थुनलाइयारि हान्जा खन्थाइ बिबारआ गाहाम हामब्लाइथि बाउहरदों। हान्जानि जानानै गाहाइ सामलायगिरि दिपेन चन्द्र बर'आ गाहाम हामब्लाइथि बाउहरनायजों (□ 6 बिलाइआव)

कलाइगावआव खेल महारन 2.0 आ खुंफुंजाबाय

कलाइगाव, 20 डिसेम्बर: राइज्योजों लोगोसे बितिआरआवबो खेल महारन 2.0 आ सोलिगसिनो दं। बे बायदिनो टंला बिधान सभा बियाब थाखोयाव थांनाय 14 डिसेम्बरनिफ्राय खुंनाय खेल महारन 2.0आव भिसिडिसि थाखोनि 17 आरो 19 बोसोर बैसो सिनि गेलेगिरिफोरनि गेजेराव फुटबल, भलिबल, काबादि, डाबा, सानस्त्रिनाय, साइकेल रेस आरो खारनाय बादायलायनाया दिनें खुंफुंजायो। दिनेनि जोबथा हाबाफारियाव भलिबलनि फाइनाल मेचखौ कलाइगावनि नायगिदिं बालानि लांगोनायाव खुंनाय जायो। दिनेनि



हाबाफारियाव 17 बोसोर सिनि भलिबलनि फाइनाल मेचखौ बेखेवनानै होयो कलाइगाव जौगाखां खोन्दो बिबानगिरि दिपेन दत्तआ आरो 19 बोसोर बैसो सिनि भलिबल मेचखौ

बेखेवनानै होयो टंला बिधान सभा बियाबनि एमएलए आरो खेल महारनि आफादगिरि दुर्गा दास बर'आ। बे बादायलायनायखौ दैदेनो (□ 6 बिलाइआव)

चामगुरि बियाबनि आमबागान आरो खावैमारिआव मान बाउनाय हाबाफारि खुंदों

चामगुरि बियाबाव थांनाय 15 बोसोराव जाय खामानिया मावफुं जायराखैमोन फैगौ 1 खावसे बोसोराव जौनि सरकारआ बेनिखुइ बांसिन खामानि मावनो नाजागोन: गिबि मन्थि

दिसपुर, 20 डिसेम्बर: आसामनि गिबि मन्थि ड हिमन्त बिश्व शर्माआ दिने नगाव जिल्लानि चामगुरि बियाबाव असम गन परिषद आरो भारतीय जनता पार्टी (बिजेपि) नि बान्जायनायाव कलियाबरनि आमबागान गोजौंसिन गेजेरारि फरायसालिनि गेलेमु फोथायव खुंनाय राइज्योआरि हामलायथि बाउनाय हाबाफारियाव बाहागो लाफेदों। बेखौ लोब्बा लानानै खुंनाय मेलव गिबि मन्थि ड शर्माआ बुंदोंदि, थांनाय बिधान सभा उफ्रा बिसायख'थिनि फिथाइया जर'खायै गोनांथारमोन। बे उफ्रा बिसायख'थियाव चामगुरिनि राइजो-राजाफोर बिजेपि दैदेनाय जुथाय दोलानि बिजाथिखौ अन्सायनाय- (□ 6 बिलाइआव)



मानास माहारियारि पार्कआव मान्दारिनि हांसो नुनो मोन्दों

सालबारि, 20 डिसेम्बर: मिथिगा अन्सायगिरिफोरनि थाखाय मोनसे मोजां खौराड सोराहाव फेदों। वर्ल्ड हेरिटेज साइट मानास माहारियारि पार्कआव मान्दारिनि डाक (हांसो) नि थाथायखौ नुनो मोन्नाय जादों। मख'नो गोनांदि, थांनाय 18 डिसेम्बरव मावजिगेन्द्रि इक'तुरिजम ससाइटिनि प्रजेक्ट हेफाजाबगिरि थमाल गगै आरो टुरिस्ट गाइड इडिसन बसुमतारिआ मानासनि भुजापारा संरैखाथिनाय हाग्रा ओन्सोलाव (□ 6 बिलाइआव)



कक्राझारआव कंग्रेसनि कुद्रिसारनाय हाबाफारि, गिबि मन्थिनि मुसुखा सावदों

कक्राझार, 20 डिसेम्बर: थांनाय 18 डिसेम्बरआव आसाम प्रदेश कंग्रेस दोलोनि बान्जायनायाव खुंनाय सोमावसारनाय हाबाफारियाव बाहागो लानो थांनाय अर्थिययै जिउ खोमानांनय कक्राझार जिल्ला कंग्रेसनि सोद्रोमा मुदुल इस्लामनिसिम दिने कक्राझार जिल्ला कंग्रेस दोलोया मान बाउवो। मख'नो गोनांदि, कक्राझार जिल्ला कंग्रेस दोलोनि मावखुलि रनेन्द्र भवनआव बेनि लोब्बाजों खुंनाय मान बाउनाय हाबाफारियाव बावैसो थैनाय मुदुल इस्लामनि सावगारियाव बिबार बाउजेनानै कक्राझार जिल्ला कंग्रेस दोलोनि आफादगिरि प्रेम हासदाआ गोथौ दुखु मोन्नाय फोरमायो। मख'नो गोनांदि, मुदुल इस्लामनि अब्थिरयै जिउ गोमानायाव जिल्ला कंग्रेसनि सोद्रोमाफोर गोथौ दुखु मोन्नाय फोरमायनायजों लोगोसे दुखुथिया नख'रनिसिम समाने दुखु मोनफानाय फोरमायनानै बे जाथायखौ गोखों रवजों सोंखारियो। (□ 6 बिलाइआव)

सुजुगिरिनि खोलोम

मैखुननि गोनांथि आरो मुलाम्फायारी आबाद

मैखुना सुबु देहानि थाखाय गोनां बेसात। मैंग हारिनि बे मैखुनाव गोबां बिबांनि प्रटिन, भिटाभिन बाइदि बेसातजों आबु थानायखायनो मैखुना गासै थाखोनि थाखाय बाहाय जानो हाथाव। सुबु देहायाव नांनय गोनां मुवाफोरनि गेजेराव मैखुननि बान्जायनाया बयनिरुइबो सिगां होन्नानै बुंनानगोन। मैखुना बर'फोरनि जाथोसे मोजां मैंग। अदेबानि सम सम मैखुन जानानै मानसि थैनाया आथिखालाव आसामनि थाखाय गोदान खौरां नलिया। जाग्राया जादों मिथिनाबे-थैग्रायाबो थैयो जानानै गाव मिबधिसाब्ला जासे। खौरांबो ओंखारफलायो मैखुन जानानै थैनाय। अब्बाबो नागरा मैखुननि हाबिला। नाथाय खोनाफेरै, जाफेरै जाथायबो जानानै फैयो साम' जानानै थैनायनिबो खौरां।

जाथाया मुजिथाव खहाबगोनां आरो गिखंथावबो जानानै फैयो बर'फोरनि थाखाय। गामिल' नड टाउन-सहर जेरावबो गोसारदलानानै थानाय बर'फ्रा जगार खालामनानैब्लाबो बोथिसे साम'-सबाय, साम'-अनदलानि ओंखि आरो मैखुन-अनदला, एडनाय, मैखुन-मैथा, अमा-मैखुननि लाना जानाया आथिखालनिल' बाश्रा नड, गोदो गोदाय आजै-आजौमोननि समनिक्रायनो बर'फ्रा बे थाखोनि मैंग-थायगं जाबोदों आरो जागासिनोबो थायो। नाथाय खैफोदनि बाश्राया जाहैदों-बेखौ सिनाइनानै जानो रोडैयाव। मैखुन जानो मोजां मोनोब्लाबो बर'फ्रा गोनोखो आदबजों बाडइ सम आरो बाडइ खरसा गारनानै मैखुन आबाद खालामनानै जानायाव नाथाय दैलो। आथिखालाव जायगा लायै जायगा मैखुन आबाद खालामनानै फालांगि खालामनो एबा जानो थाखाय बिफानारीनि जोहै जोलै बेगर बुथुमनानै बे आबादखौ मावनायनि गोरलै खाबु आरो राहा दसै। जौनि बि टि सि हालामनि दाब-दाब जायगाजों लोगोसे गसाइगावआव दुलाराय बर' आबादारि आफातनि बान्जायनायाव मैखुन बेगर दिहुन्नायनि थाखाय लेबरेटरीनि गेजेरजों मैखुन फसंबाय। बे लेबरेटरी जोलेखौ एग्रे-बाग्रे मोनफुनो हासिगोन। बेनि गेजेरजोंनो-मैखुन आबाद दिखानानै बेनि आंखाल फोलोमनायजों लोगोसे फालांगियारी बिथिडैबो आबाद दैखानो गोरलै जानानै फेबाय। बेफोर आदबनि गेजेरजोंबो नांनइसेबां मैखुन दिहुन्नानै गावनि नांगौखौ फोलोमनायजों लोगोसे गुबुनफोरनोबो फालांगियारी आदबै मैखुननि साहिदाखौ सुफुनो हायोब्ला रांखावरी फार्सेबो एफा एनै हुंखा फोलोमनो हागौ आरो गिनांगौबो थाहैनाय नड।

दिनैनि फान्जामुथि

राशि बाइदियै मुनि गिबि हांखो
 मेघ : अल बुध : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र वृश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

- मेघ:** दिनैनि दिनाव खस्टफोर मोन्नो हागौ। जेखियानो जाया गोसोखौ हम्था।
- बृष:** सान्नाय-हनायफोरा गोजान जालांगोन। गोसोखौ लोरबां लानो नाड।
- मिथुन:** मावनाय-दानायाव गोसो जयै जानो हागौ। गोसोखौ सांग्रां खालामनानै लानांगोन।
- कर्कट:** दुखु-दाहा थानायफोर जोबनाय नड। गुबुनो फोरमायनानै लानो हागोन।
- सिंह:** जेथिबो रंजा-बाजा खालामनो हागोन। गोजोनै सम बारहोनो हागोन। मोजां सान।
- कन्या:** बे राशिन थाखाय मोजां सान। मावा मोनसे मुवा-बेसाद मोन्नो हागौ। गोजोन मोनगोन।
- तुला:** बबेबा गोजान जायगायाव दावबाय हैनो मोन्नो हागौ। गोजोन्नाय मोनगोन। मोजां सान।
- वृश्चिक:** गोसो सिडव बायदिसिना सानानै जिगा सिनांनो हागौ। गोसोखौ शान्ति मोन्नाय नड।
- धनु:** मेगननि बेराम सोमजिनो हागौ। मेगनखौ सांग्राडे लाखिनांगोन।
- मकर:** गोसोखौ शान्ति गैथै मोनगोन। गोसो हम्थानानै थानाया गाहाम।
- कुम्भ:** देहायाव सानाय-सुनाय बेराम सिखांनो हागौ। रांखावरी खहा जानो हागौ। सांग्राडे था।
- मीन:** हास्थानाय मुवा-बेसादफोरखौ मोन्नो हागोन। गोसोखौ गोजोन मोनगोन।

बर' बिजोड सिलिंखारनि लामायाव !

- नरेन बर'

थानाय 2010 मायथाइयावनो इउनेस्क (UNESCO) आ साबधान बानी होखानो- "बर' रवा रेखाथि, गैथै (vulnerable) हालतआव दड।" बे बाश्राजों इउनेस्क' आ बर' हारिखौ सांग्रां जानो इसार होखानाइ जादोंमोन। नाथाय हारिया बेनि सायाव जेबो मोन्दांथि गैथै दिन्थिबाइ। जाइनि थाखाय हारिनि राव-बिजोड दिने होरलां-होरथां। थाव गैथै बाथि बादि गोमोरहां गोमोरहां। इउनेस्क'नि बे रादाबखौ खोनाइ आरो मिथिनाइ लोगो लोगो हारिनि दैदेनगिरि, थुनलाइ आफाद, फराइसा आफाद आरो रइजो राजाया सांग्रां जानांगौनि गोनांथि दडमोन। बे बाश्राखौ लानानै रइजो राजाजों सावरइनांगौमोन, रवा थैलांमारसांगौ जायोब्ला हारिनि इयुना मा जागोन बेनि गोनांथिखौ रइजो-राजानो फोरमाइना होनो हानांगौमोन। फराइसालि थैलांनो लानाइ जाहोनफोरखौ मिथिनो नाजानांगौमोन। फराइसालिनि जेना जेसिफोरजों लोगोसे फोरंगिरि गैथै जेनाफोरखौ सरकारजों नांनानैब्लाबो सुफुना होनो हानांगौमोन। राहा लामा दिहुननांगौमोन। फराइनो, फोरंजानो मोननांगौया नोगोरारिफोरनि गुदि (fundamental) मोनथाइ। राव बिजोखौ फोथानानै दोननाइनि खाथिराव बेफोर हाबाखौ मावथारनो हानांगौमोन। नाथाइ बेबादि नुयाखिसै। "बर' बिजोड थैयोना थाडे आंहा बेजों जेबो सोमोन्दी गैया" होननाइ बादिसो नुबाइ माखासे बर'फोरनि मावनाइ दानाइखौ। बर' बिजोनि फराइसालिफोर दिने गंसेनि उनाव गंसे थैलांनो लामा लानायनो बेनि फोरसान।

जारिमिन मोन्दों- Sir Edward Gait आ गावनि History of Assam बिजाबव लिस्दोंमोन- "The Bodo dialect though still spoken in assam by more than half a million persons, are in their turn giving way to Aryan language (Assamese & Bengali) and their complete disappearance is only a matter of time." बे बाश्राखौ मोननानै बै समनि माखासे बर' जोहोलावफोर गोसोआव गिखांनइ मोनदोंमोन आरो लोगो लोगो बर' रावखौ बौरै फोथाना दोननो हायो बेनि लामा दिहुनलाइनो खोला गवलापारायाव "हाब्राघाट बर' सन्मिलनो" मुनि मोनसे समाजारि आफाद दानानै बर' रावखौ फोथानाइनि हाबा मावदोंमोन। जाइनि थाखाइ बर'फोर दिने बे समनानखौ मोननो हादों। नाथाय दिने नुनो मोन्दी इउनेस्क'आ आसि दिन्थिना होनाइनि उनावबो जेबो रिथेक्सन गैया।

बर' बिजोड थैलांनो जायोब्ला बे हारिया बुहुमनिफ्राइ

गोमालांफिनगोन, बे बाश्राखौ गोथौथै मोन्दांनानै बै समनि हारिनि माखासे सानसुमैफोर थैथाव थंथाव नाजानानै बे थैनो नागिरनाइ रावखौ फोथानाइनि हाबा मावलांबाइ बड'फाया बर' हारिखौ बुहुमनि गेरेमसा हारि महरै गाइसननाइनि लामाखौ दिन्थिलांबाइ। बिथामोननि मावसोमनाइनि थाखाइनो गोबां खैदां खैफोदखौ सौसिनानैब्लाबो बे रावा फराइसालि, कलेज, इडनिभारसिदि मोनसेनि उनाव मोनसे जांखला गाखोनानै दिने भारत सबिजितजों गनाइ जादों। नाथाइ दिने बै जोहोलाव सानसुमै बिथामोना गावसोरखौ बावसोमनानै हारिनो सोरजिना होलांनय सम्पतिखौबो आवथाइनानै बाहायनो रोडैयासो सोमोनांथावसिन बाश्रा जादों। बेबादि मान-सन्मान गोनां हारिनि सम्पतिखौनो दिने गावनि हारिनिनो माखासे जोलैया बेखौ जोगारनानै इंगजी राव सोलांनइनि मुडव गावनि बिमानि रावखौ फोजोबखानाइनि हाबा मावदों। बेनि गेजेरावनो आरोबाव आगानसे दावगालांबावनानै हारिनि गेजेरावनो गावबा गाव धोरेमनि मुडवबो इंगजी बिजों फराइसालि गाइसनानै बिमानि राव-बिजोखौ बुथारनो बादाइलाइदों। बेयो आरोबाव गिखंथाव। इंगजी बिजों फराइनाया फेसनसो जाबाइ। इंगजी बिजोंजों सोलांनब्लानो गोरों जायो साननाइ बे मेन्टेलिटिया हारिनि गेजेराव गात्रियै रोदा सुदों। बे इसाराया मोजां नड। राव सोलांनइ आरो गियान आरजिनाया गुबुन गुबुन बाश्रा। इंगजीयाबो मोनसे रावसो। बेखौ सोलांनो गुबुन गुबुन गोबां लामा दड। गावनि बिमानि राव बिजोंखौ नेवसिनानै इंगजी बिजों फराइलाइनो नाड। "सासे गथ'आ मोजाडे सोलोडोब्ला गाव गावनि बिमानि रावजोंनो गोरलैयै बांसिन गियान आरजिनो हायो" बाश्राखौ गोबां राव गोनोखोयारिफोर बुदों। इंगजी बिजोंजों फरायब्लानो गियान आरजिनो हानाइमोनब्ला बर'फोरनि गेजेराव दिनेनि दिनाव गोबां आइ.ए.एस, आइ.पि.एस, ए.सि.एस, डक्टर, इन्जिनियर जोनोम जानांसिगोमोन। नाथाइ बेनि उल्टा सावगारिखौसो नुनो मोन्दों। मोनसे हाइब्रिड (Hybrid) थाखो जोनोम जादों। ना बर'खौनो मोजाडे' रोजोबो ना इंगजीनि गियानखौनो आबुडै लाफुनो हायो। सोरबा इंगजी बिजोंजों फराइनाइखौ बाजानाइ गैया, नाथाइ इंगजी फराइनाइनि मुडव गावनि राव बिजोंखौ बुथारनो नाजानाइखौ नुनानैसो बुनो गोनां जादों। बे हाबाखौ हारिनि गोबां दैदेनगिरि आरो रां-रुपा गोनां सुबुफोर फिवेल होदों। बिसोराहा बर' बिजोंनि फारसे नायफिननो सम गैया। नाथाइ बिसोरनो बबेबा मेल मिथिडव गोदान फुवार फुवार बर' बिजों फोथानांगौनि बाश्रा बुडे। हारिमुखौ फोथानांगौनि लेकसार होयो। हारि दानाइनि बाश्रा बुडे। गोरिख गुदनि फिसा फिसोफोरनि मानव सम्पद सोरजिनाइनि बाश्रा बुडे।

बर' हारिखौ गेरेमसा हारि दानो थाखाय दिने बर'फोर

गोबां सोमाव सारबाय। गोबां सिलिंखार जानांबाइ। गोबां जिउ बावबाइ। बेनि फिथाइ हिसाबे मावा मोनसेब्लाबो मोनबाइ। हारिनि जेनाफोरखौ नोजोर होनो हानाइ लामा ओंखारबाइ। बेबादि समावसो बर' बिजोंनि हालदआ इनाइनो दुखुनांथावना। फराइसालिफोर सानफा गंफा थैलांगसिनो दड। सरकार, थुनलाइ आफाद, फराइसा आफादआ बेखौ मा गोसोजों बेबादि नाइनानै थाबाइ थानो हाखो? बर' बिजोंनि गोबां फराइसालिफोर फोरंगिरि गैया। बबेबा गुदि फराइसालिफोर सासे सानै फोरंगिरिजोंनो सोलितों। गेजेर आरो गोजौ फराइसालिफोरबो फोरंगिरिनि आंखाल। बिगियान, सानखाथि फोरंगिरिफोरनि आंखाल। बे जेनाखौ सरकारनि गाडियाव थानाइफोर बांसिनै साननो रंथारनांगौमोन। सिगांनि समफोरव आसाम सरकारनि सायाव बेफोरखौ दाइ होनो मोजांमोन, नाथाइ दिने गावनिनो सरकार थानायावबो बे मानो जानो मोनखो? स्कुल, कलेज, इडनिभारसिदि नांगौ होनानैथ' सोमावसारनाया जादोंमोन आरो बेनि थाखाइनोथ' दिने बे गोहोखौ मोन्दों। बेबादि अबस्थायावबो बर' बिजोंनि सरकारि फराइसालिफोरखौ गावनो बुथारना लानो नाजानाया बेसेबां दुखु मोनथाव, लाजिनांथाव। बर'नि सरकार जानाया दिने नैजि बोसोरनिबो बारा जालांबाइ, थैवबो बर' बिजोंखौ फोथानानै दोननाइनि मोनसे रोखा पलिसि गैया, मानो? बेबादि फोरंगिरि गैथै फराइसालिफोरव माबादि सोलांथाइ मोनगोन, लागोन? क'वालिटि सोलेंथाया खुगायाव बुंनयजोंनो जोबलांसिगोन नामा? बेबादिजों गेरेमसा हारि दानाइनि सिमाड मोकथां जागोन ना?

दा बाश्राया जाबाइ दैदेनगिरिफोरनि बेफोरबादि गोरोन्थि मावनाइजों हारिनि राव बिजों थुनलाइया सानफा एफा जोबखालांबाइ थानाइखौ हारिनि सांग्रां रइजो राजाफोर सिरियै नाइबाइ थानोसै नामा? राव बिजों थुनलाइखौ फोथानाइनि मुडव हांखो नागिरनानै सा जिडाइज जोहोलावफोरखौ ओरैनो मुख्वं जाहोगारबाइ नामा? बेबादि सरकार आरो हारिनि दैदेनगिरिफोरखौ बेसेबां फोथाइबावनो, नेबावनो? राव थुनलाइ बिजोंखौ बुथारना लानानै मोनसे हारिया थानानै थानो हाया। बेनि थाखाय जि सानैसो सांग्रा रइजो राजाया गोसो गोबोंजों बर' बिजोंखौ फोथानो हाथे कामे नांगसिनो दड बिथामोनानो आवगाइबोनांगोन आरो हारिनि बे रावखौ फोथानानै दोननायनि बिबानखौ बानानांगोन। मानो होनोब्ला दिनेनि दिनाव जोहोलाव सतीश चन्द्र बसुमतारी एबा सोरबां सुबु बिहुरम बर' गैलिया। बिथामोननि सानसि सानथौखौ सिगाडव लानानै सांग्रां रइजो राजायानो जान्जि खाफ्रायाब्ला बे हारिनि राव थुनलाइ बिजोड गोमालांफिननो बारा गोबाव सम नांनय नलिया।

.....:000.....

आरएसएसनि आफादगिरि भागबत मन्दिर-मसजिदनि आयदाफोराव जिगा फोरमायदों

पुणे, 20 डिसेम्बर : राष्ट्रीय स्वयंसेवक संघ (आरएसएस) नि गाहाइ महन भागबतआ माखासे मन्दिर-मसजिद जेनाफोर फिन सिखांनयाव जिगा फोरमायदों। बिथाडा बुंनैदि, अयध्यानि राम मन्दिरनि लुनायनि उनाव माखासे सुबुफोर बेखौ गनायना लादोंदि, बिथामोनहा बेबायदि आयदाखौ दैखानानै हिन्दुफोरनि दैदेनगिरि जानो हागोन। मोनसे हाबाफारियाव बाहागो लानानै महन भागबतआ समानथि समाजनि बाश्रा बडे आरो बुंनयदोंदि, मुलुगनो बेखौ दिन्थिनायनि गोनांथि दडदि, हादतआ गोरोबज्जलैयै हारि-फोलेरनि गेजेरजों खौसेयै थानो हायो। क्रिसमासखौ रामकृष्ण मिशनआव फालिनाय जायो। बेबायदिखौ जौल' खालामनो हागौ, मानोना जौ हिन्दु होनाबो बिथाडा बुडे। सिगां फारसे बिथाडा बुंनयदोंदि, जों

मुलुगनो बे खौरांखौ होनो सानोदि, जोंहा बेनि मोनसे मडेल बानायनांगौनि गोनांथि दं। राम मन्दिरखौ लुनायनि उनाव माखासे सुबुफोर गोदान जायगाफोराव बे बायदि आयदाखौ दैखानानै हिन्दुफोरनि दैदेनगिरि जानो हागौ होन्ना बिसोरो सानो। नाथाय बेफोरो गनायजाथाव नड। गासिबो हिन्दुफोरनि फोथायनाय आयदानि थाखाय राम मन्दिरआ लुजादों। सानफ्रोमबो मोनसे नड मोनसे गोदान आयदाखौ दैखानाय जायो। मख'जाथावदि,



आसाम पुलिसआ रइज्यो कंग्रेसनि माखासे गागि दैदेनगिरिफोरखौ जिम्मायाव लादों

गुवाहाटी, 20 डिसेम्बर : आसाम रइज्यो कंग्रेस कमिटी (एपिसिसि) नि गाहाइ भुपेन कुमार बराखौ माखासे गुबुन कंग्रेस दैदेनगिरिफोर आरो मावसुमाफोरजों लोगोसे शुक्रवारखालि आसाम पुलिसा जिम्मायाव लायो। कंग्रेसनि गागि दैदेनगिरि आरो आगुनि रज्यो सभा सोद्रोमा रिपुन बरा, सशेल मिडिया आफादगिरि रतुल कलिता आरो एमएलए दिगन्त बर्मनखौबो पुलिसा जिम्मायाव लायो। बेदब्रत बराआ पुलिस नायबिजिरनायखौ सांखारिनानै बुडोदि, गिबि मन्त्रि हिमन्त बिश्व शर्मानि सुबु खान्थिखौ हँथा होग्राफोरखौ दबथायनो नाजानाया मोनसे गाहाम हाबा। जों पुलिसनि बे नायबिजिरनाइखौ गोखोडै सांखारियो। गिबि मन्त्रि हिमन्त



बिब्व शर्मानि गेजेरजों कंग्रेस दैदेनगिरि आरो मावसुमाफोरखौ सिगिनाय आरो सुबु खान्थिनि हँथा होग्राफोरखौ बे गादबनो नाजानाया बिनि आखुखौ दिन्थियो। बेदब्रत बराआ बुदों, कंग्रेस मडुल इस्लामनो बिबार बाउनायनि बिथांखि लादोंमोन, जाय बे सप्ताहनि जागायनायाव मोनसे धर्नानि समाव गोब्राबै पुलिसनि नायबिजिरनायाव थैदोंमोन। बिथाडा बुडेदि, दिने कंग्रेस मुख्वं मडुल इस्लामनो

बिबार बाउनो, धोरेमरि नामाज फरायनो आरो आयेनारि बिजिरनो दाबि दैखानायखौ लानानै रइज्यो बे'गिरिनो गोसोखां बिलाइ गथाइनायनि बिथांखि बानायदोंमोन। आथिखालाव बे हाबाफारिखौ फोसावनाय समाव पाटि आफादगिरि आरो गुबुन दैदेनगिरिफोरखौ इनायै ग्रेप्पर खालामदोंमोन। रइज्यो कंग्रेस बे नायबिजिरनायखौ गोखोडै सांखारिदों।

मणिपुर, मिज 'राम आरो नागालेन्डआव सैरखाथि खुंथाइखौ फोसावफिन्दों



गोदान दिल्ली, 20 डिसेम्बर : मिरुआ न'सुंसे हादतफोरनिफ्राय गुबुन हादतनि नोगोरारिफोरनि हाबफैनायजों बांनय रैखाथिनि जिगा सिनायखौ नोजोर होनानै मणिपुर, मिज 'राम आरो नागालेन्डनि सिमनाजों नांजाबनाय ओन्सोलफोराव सैरखाथि बेब'स्थाखौ फोसावना होफिनबाय। मणिपुरनि सरकारआ बुडोदि, सैरखाथि ओन्सोल खुंथाइनि रिभालुएसनजों लोगोसे, रइज्योआव हाबफैनाय गुबुन हादतनि सुबुफोरखौ मोजाडे नोजोर होनाय जागोन। तुरिस्मखौ बांहोनो थाखाय नख'र

राइज्योनि थाखाय पिएपिखौ फोजोबनाय जाबाय। सासे गुबुन हादतनि नोगोरारिआ गोनांथि प्रसेसफोरखौ आबुं खालामनायनि उनावसो भारतनि माखासे ओन्सोलफोर, गाहाइ महरै सा-सान्जा फारसे दावबायनो थाखाय पिएपि थानाया गोनांथि। पिएपिखौ खमैबो 7-10 साननि गेजेरावनो मोन्नो हागोन।

त्रिपुरायाव सा-सान्जा परिषदनि 72थि जेनेरेल एसेमब्लिआ दिनैनिफ्राय जागायबाय



गुवाहाटी, 20 डिसेम्बर: सा-सान्जा परिषदनि 72थि प्लेनारी मिटिआ दिने त्रिपुरनि रजथावनि आगरतलायाव जागायो। बे बोसोरनि नैथि सभाखौ जौगाखां शहर आगरतलायाव फ्रि-प्लेनारी टेक्निकल सेशनजों लोगोसे जागायो, डाय 2008 नि उन्निक्रय नैथि खेब प्लेनारी मिटिखौ खुंगोन। शुकुबारखालि फ्रि-प्लेनारी टेक्निकल सेशनवाव मिरुआरि बिफानआ गावसोरनि

जौगाखां एजेन्डाखौ दिन्थिगोन, जाय सा-सान्जा ओन्सोल (एनइआर) नि थाखाय इयुनिनि लामानि सायाव नोजोर होगोन। शनिवारखालि फुडव जागायनो गोनां गाहाइ जेनेरेल एसेमब्लिखौ मिरुआरि नख'र मन्थि आरो एनइसिनि आफादगिरि अमित साहआ दैदेनगोन आरो बिथांजों लोगोसे सा-सान्जानि ओन्सोल जोगाखां मन्थि ज्योतिरादित्य एम

सिन्धिया आरो रइज्यो मन्थि सुकान्त मजुमदारआबो बाहागो लाफागोन। जारिमिनारि महरै प्लेनारी मिटिखौ गाहायै शिल' आरो गुवाहाटीयाव खुंनय जायो। मख'नो गोनांदि, एनइसिनि बिफावआ गावखौ गायसन्नायनि उन्निक्रय गोबां जौगाखांदों, जाय सासे बोसोन होग्रा आफादनिफ्राय मोनसे गाहाय ओन्सोलारि बिथांखि लाग्रा एजेन्सियाव सोलायो। अब्बाबो बेनि गाहाय थंथिया समाजआरि-रांखांथिथयारि जौगाखांनयाव गोखैथि लाबोनाय, गुबुन गुबुन ओन्सोलफोराव कार्नेक्टिभिटि, गोहो दनाय आरो इन्भेसमेन्टि गेजेरजों हादतनि गुबुन बाहागोफोरजों 1971 आव गायसनदोंमोन आरो बै समनि गाहइ मन्थि इन्डिय गान्धीआ बेखौ शिल'आव बेखेवना होदोंमोन।

Bodoland University
Kokrajhar, BTR (Assam) India
Recruitment Notice, 18.12.2024

Applications are invited from eligible candidates for appointment in a National Health Research Priority Project entitled "Equitable, Quality Universal health coverage Implementation research Project for optimizing comprehensive primary health care through Health and Wellness Centres (EQUIP-HWCs)" funded by Bill & Melinda Gates Foundation sanctioned to Prof. (Dr.) Jatni Sarmah, Dept. of Biotechnology, (Email: jatinsarmahindia@gmail.com). For details, please visit: www.buniv.edu.in

Sd/-
 Registrar
 Bodoland University, Kokrajhar

आसामाव एनडिएएमएआ दै बाना अलखदनि सायाव राइज्योआरि थाखोनि मक हुदा खालामदौ

गुवाहाटी, 20 डिसेम्बर: एनडिएएमएआ आसाम राइज्योआरि अलखद सामलायग्रा अटरिडि (एएसडिएएमए) नि हेफाजाबजौ दै बानानि लखदनिफ्राय बारग'नायनि थियारिफोर आरो हाबाफारिनि सायाव मोनसे गुवार राइज्योआरि थाखोनि मक हुदा खालामो। बे हुदाखौ मोननै खोलोबाव खुनाय जादौमोन। थांनय मंगलबारखालि मोनसे टेबोलटप हुदा आरो देहायारि मक हुदा खुडे। बे हुदानि थांखिया दै बानानि थियारिफोरखौ गोखौ खालामनाय, इन्टरिम एजेन्सियाव



साबखानाया लाबोनाय आरो गासै फुवाराया। बे हाबाफारियाव गासै मोन 10 जिल्लाफोर- कामरूप,

नलबारि, बरपेट, धुबुरि, मरिगाव, काछार, दरं, गवालपाडा, बडइगाव आरो नगावआ बाहागो लायो। बे हुदाखौ एनडिएएमएनि गागि बोसोरिगि रिगिडियार रविन्द्र गुरुं आ दैदेन्दौं आरो बेखौ गुवाहाटीयाव खुनाय जायो। जिल्ला खुंथाय, राइज्यो एजेन्सियाव, पुलिस, अर लुखोमोरा आरो इमारजेन्सि सिबिथायफोरनि थान्दफोर बे हाबाफारियाव बिहोमा होदौं। बेयाव सांग्रिथि होनाय आरो थासासिनि अपडेट फोसावनाय, राइज्यो आरो जिल्ला इमारजेन्सि सालायग्रा मिरुफोरनि गेजेरजौं जाथायनि फिनजाथाय होग्रा

टिमफोर (आइआरएडि) खौ एक्टि खालामनाय आरो गोहोमो गोगलैनाय जिल्लाफोरारव स्टेजिं ओन्सोलफोर जेरै- जाथायनि फिनजाथाय होग्रा नेम-खान्थि (आइआरएएस) सुबिधाफोरखौ गायसन्नाया दंफायोमोन। बेयाव फाहामथाय होग्रा आउट पस्टफोर गायसन्नायाबो दंफायो। बे हुदाया अलखदनिफ्राय बारग'नाय थियारिफोरखौ बांहोनी थाखाय सरकारनि बावसोमनायखौ सावगारि बोयो। मानोना आसामा जेब्लाबो दै बानाजौं गोहोमो गोगलैनाय राइज्यो।

12थि थाखोनि फरायसाआ सुबुं गाखोजानाय डून बानायना दिहुन्दौं

गोदान दिल्ली, 20 डिसेम्बर: ग्वालियरनि सासे फरायसाया गारनाय दाखोरजौं सिगोल सितर डून बानायना हादतनि नोजोरखौ गावनि फारसे बोनी हादौं। फालांगिरी आनान्द महिन्द्रयाबो बे फरायसाखौ बाखायदौं। बिथाड सशेल मिडियाआव इन्जिनियारि फारसे फरायसासि गोसो होनाय एबा हाबा मावनायखौ नुना बाखायदौं। आनान्द महिन्द्रया लिरदौं-इन्भेन्सननि बाश्ना नड, मानोना बेबायदि मेसिन बानायनायनि आदोबखौ इन्टरनेटआव मोनखायो। नाथाय बेयो इन्जिनियारिनि थाखाय पेशन



आरो खामानिनि फारसे गोसो होनायनि बाश्ना। जौहा जेसेबां लाइमोनफोर थागोन जौं एसेबांनो इन्भेन्सन खालामग्रा हादत जागोन। डून बानायनाय फरायसासि मुआ मेघांश त्रिबेदि। बियो मध्य प्रदेशनि ग्वालियरनि थागिबि आरो सिन्धिया स्कुलआव 12 थि थाखोयाव फरायो। मेघांशा आ स्केपखौ बाहायना 3 दानआवो बे डूनखौ बानायदौं, जेराव सासे सुबुं गाखोना उरायो हागौं। बे डूनआ मेक्सिमम 80 किल'ग्रामसिम लिरथाइ देखांनो हायो आरो खेबसेबाव 6 मिनिट बिरनो हागौं। मेघांशनि बायदिब्ला चीनि डून टेकन'लजिखौ नुना गाव बेखौ बानायनो सानखदौं। बे डूननि मुंखौ एलएलडिट 01 दोनाय जादौं। बेयो मेक्सिमम 60 कि:मि: /घन्टा गोखैथिजौं उरायो हागौं। गनायथिनाय जादौंदि, बे

नएडा आरो दिल्लीनि फरायसालिफोरारव बमा दोन्नायनि हुमखि सफैदौं



गोदान दिल्ली, 20 डिसेम्बर: दिल्लीयाव फिन खनसेबाव फरायसालियाव बमा होनायनि हुमखि हरदौं। शुक्रबार फुनि 5:12 रिगायाव द्वारका सेक्टर-3 नि डिपिएम स्कुलआव बमा होनायनि हुमखि हरदौं। बेनि फेयो। बेनि खोरं मोन्नाय लोगो-लोगो लकेल पुलिसआ बमा होबथाग्रा हान्जा आरो अर लुखोमोरा हान्जाखौबो जायगायाव लानानै सौहैयो। नाथाय खना-खनला सिग्रोनार्थनि उनाव जेबो रोखोमनि बमा एबा गुबुन बेरफुग्रा मुवाबो मोनाखै। फारसेथि नएडानि सेक्टर-126 आव थानाय लटस भेली स्कुलआवबो हुमखि हरनाय इमेल मोन्दौं। बे

सफैयो। बेयावबो पुलिसआ अर लुखोमोरा हान्जाखौ लोगोसे लाना सिग्रोमहैयो। नाथाय जेबो बमा एबा जेना गोनं मुवा मोनाखै। मख'जाथायदि, थांनय 9 डिसेम्बरबो दिल्लीनि गं 40 नि बांसिन फरायसालिफोरारव बमा दोन्नाय हुमखि मोन्दौंमोन। मख'नो गोनादि, बेखेबआव मेल देखाइहसाया बमा बेरफुहोनायखौ होबथानोब्ला 30,000 डलार हसंगोन होना दाबि खालामदौंमोन।

इउपिनि माखासे जिल्लाफोरजौं लोगोसे दिल्ली-एनसिआरआव खुवा खुगोन

गोदान दिल्ली, 20 डिसेम्बर: सा-भारतआव आथिखालाव जोबोद गुसु गोगलैनी हमदौं। इउपिआव आथिखालाव फुडव खुवा खुनो हमदौं। बोथोर बिफाननि बादिब्ला, फेगौ माखासे सानफोरारव लाश्रियै खुवा खुनाय नुनो मोनगोन। बेराफारसै दिल्ली एनसिआरआव खुवा खुनायनि जाहोनाव गुसुआ जेनायाव खोखैगासिनो दड। महारियारि राजथावनि दिल्लीआव खुवा खुनाया सोलिगासिनो दड आरो गुसुनिफ्राय बारग'नो थाखाय सुबुंफोरा बनफायारनि मदद लानांगसिनो। खोला-सोनाब बंग लैथोआव चक्रबातीय सोमजिनाय आरो साहानि हाजोफोराव सोनाबयारि नारिसन्थायनि गोहोमजौं डिसेम्बरनि जोबथा सप्ताहआव हादरनि गिदिर बाहागोआव- बोथोरआ सोलायगोन। 28-29 डिसेम्बरआव हारियाना, दिल्ली, पान्जाब, सोनाब उत्तर प्रदेश, राजस्तान आरो गुजरातजौं लोगोसे सा भारतआव अखानि थासासिफोर सोमजिदौं। मध्य प्रदेश आरो उत्तर प्रदेशनि गुबुन बाहागोफोराबो बेनिफ्राय बारग'नाय नडा। मानोना



बेफोरारवो बहाबा बहाबा अखा हागोन। बेजौं फेगौ सानथाम-साननैसिमआव बोथोरआ मोजाडे थागोन आरो मिनिमाम बिदुडव सरसन्धा दावख्तायनाय फेगोन। खूप्रमासिनि सभाव गुसुआ बांनो हागौं। बेबादि थासासिआ माखासे सानसिम सोलिबाय थागोन होनानै बोथोर

छत्तिसगड़नि नारायनपुरआव आइइडि बेरफुनाय जाथायाव सानै जवान जोखोम जादौं

छत्तिसगड़, 20 डिसेम्बर: छत्तिसगड़नि नारायनपुरआव आइइडि बेरफुनाय जाथायाव सानै जवानफोरा जोखोम जायो। जोखोम जानाय जवानफोरखौ जिल्ला देहा फाहामसालिआव थिसन्नाय जायो। सुलुनि बादिब्ला, बिसोर जवानफोरखौ लामा बानायनाय हाबाफारिनि रेखाथियाव थिसन्नाय जादौंमोन। बे जाथाया कडकमेटा थानानि तके गामिनि,



जेराव आइइडि बेरफुनाय जाथायाव गोलैनाय सानै जवानफोरा जोखोम जायो। थांनय सप्ताहआव नारायनपुर जिल्लायाव जानाय गावलायनायनि सायाव सासे मावसुमा आरो गामियारिफोरा सौथि देखाडे। बिसोरनि दाबि देखांनय बादिब्ला, बे गावलायनाया नंखायमोन, जेराव पुलिसआ सा 7 नकसालिफोरखौ गावथादौं होना दाबि देखांदौंमोन। थैनाय सुबुंफोरनि गेजेराव सा 5 आ जायगानि सुबुंफोरमोन, जायफोरा आबाद पोथारआव हाबा मावगासिनो दडमोन। बिथाड बे बाश्नाखौबो दाबि देखाडेदि, अबुझमाड ओन्सोलाव गावलायनाय सभाव सासे हिन्जावजौं लोगोसे सात्रै गथ'साफोर पुलिसनि गुलियाव जोखोम जानाडे। बे दाबि देखांनयखौ नेवसिगारानै पुलिसआ बुडोदि, सात्रै गथ'फोर नकसालिफोरनि गुलि गावनायाव जोखोम जादौंमोन आरो नकसालिफोर गावलायनाय सभाव बिसोरखौ सुबुंथि महैर बाहायदौंमोन। पुलिसआ थांनय 12 डिसेम्बरआव दाबि देखांदौंमोनदि, नारायनपुर आरो दन्नेवाडा जिल्लाफोरनि सिमनायाव खोला अबुझमाडिनि कल्हाजा-दन्नेवाडा गामिनि हाजोफोरारव रेखाथि हान्जाफोरनि जुथाय टिमजौं गावलायनायाव सानै आइजोफोरजौं लोगोसे सा 7 नकसालिफोरा जिउ गोमायो।

आसाम एसटिएफआ बांलादेशनि उत्कारि मडयुलखौ सोराडव लाबोदौं



महम्मद सद रादी उर्फ महम्मद शव शेखखौ केरेलायाव हमो। गुबुन सानैआ सोनाब बंगनि आरो साबाया आसामनि। बे हाबाफारिखौ एसटिएफनि गाहाइ पार्ल सारथी महन्तआ सालायदौंमोन। बिबुंथियाव नुनाय बायदिब्ला, एबिटि गाहाइ जसोमुघीन रहमानोनि खाथि हेफाजाबगिरि महम्मद फरहान इसराकनि बिथोनाव सुबुंफोनि मोनसे हान्जानि गेजेरजौं खालामनाय हादत बेरेखा हाबाफारिफोरनि सोमोन्दै संगलि खौरंफोरनि सायाव बिथा खालामनानै बे हाबाफारिखौ जागायदौंमोन। बांलादेशनि नोगोरारि महम्मद साद राडीखौ हादतनाडै स्लीपार सेल बानायनो थाखाय बे बोसोरिनि नभेम्बर दानाव भारतआव देथाय हरदौंमोन। बे थांखिनि थाखाय बियो केरेलायाव थांनयनि सिगो एबिटिनि स्लीपार-सेल मावसुमाफोरजौं लोगो हमनो थाखाय आसाम आरो सोनाब बंग दावबायदौं।

गुवाहाटी, 20 डिसेम्बर: मोनसे मुलुगयारि उत्तखारि फसंथाननि सायाव संगलि एजेन्सिफोरनि सायाव बिथा खालामनानै हादतनाडै नायबिजिरनायाव आसाम पुलिसनि जर'खा हान्जा (एसटिएफ) आ केरेला आरो सोनाब बंग पुलिसजौं लोगोसे नायबिजिरना मोनसे उत्तखारि मडयुलखौ सोराडव लाबोयो, जायफोरा गालोबनो बिथांखि बानायगासिनो दडमोन। आसाम पुलिसनि सिपिआरअ प्रणबज्योति गस्वामीआ थांनय बृहस्पतिवारखालि मोनसे प्रेस बिबुंथियाव बुडोदि, एसटिएफआ

बिएसएनएल इउजारफोरनि अनजिमाया बांदौं

गोदान दिल्ली, 20 डिसेम्बर: मोनसे सरकारी भारतीय टेलिकम अपोरेटर बिएसएनएलआ थांनय 2024 नि आगस्ट दाननिफ्राय अक्टबर दाननि गेजेराव 3.6 मिलियन मबाइल इउजारफोरजौं सरजाबो। बेयो गावयारि टेलिकम कम्पनीफोरनि गेजेरजौं खालामनाय टेरिफ बांनयनि जाहोनाव गोरलै जायो। गावयारि टेलिकम कम्पनीफोरनि



बाहायगिरिफोरा गोरलै बिथांखिफोरनि थाखाय बिएसएनएलनि फारसे थाडे। नाथाय आथिखालाव बिएसएनएलनि बे मुलामफाया लासै-लासै दावख्तायनो हमो आरो बेनि खौरंखौ भडाफन आइडिया (भिआइ) नि सिइअ अक्षय मुन्दडाआ फोसाबो। बिएसएनएलआ 2024 नि आगस्ट दानाव बयनिखूडि बांसिन बाहायगिरिफोरजौं सरजाबो, जेब्ला बिसोरनि बाहायगिरिफोरनि अनजिमायाव 2.52 मिलियन बाडे। बेनि उनाव सेप्टेम्बर आरो अक्टबर दानाव कम्पनीआ 0.38 मिलियन आरो 0.76 मिलियन गोदान मबाइल बाहायगिरिफोरजौं सरजाबो। कम्पनीनि प्रीपेड कानेक्शनआ जुलाइ दानाव 88.41 मिलियननिफ्राय बांनानै अक्टबरसिमाव 92.04 मिलियन जायो। बेराफारसे पस्टपेड बाहायगिरिफोरनि अनजिमायाव एसे सोलायदौं, जाय बे सभाव 4.42 मिलियनफ्राय बांनानै 4.48 मिलियन जायो। मख'नो गोनादि, बि ए स ए न ए ल आ व बाहायगिरिफोरनि अनजिमायाव बेनि थाखायनो बादौं, मानोना बिसोरनि प्लान्सखौ बाहायगिरिफोरा गोरलै मोन्दौं।

No.DPRD/BTC/GAD/Baksa-6/2024/ Dated Kokrajhar the 19th December 2024
PRESS NOTICE
 The Director, P&RD, BTC, Kokrajhar invites bids for work "Construction of Rabha Ghar and Main Gate at Barangabari Gopal Mandir Tamulpur under SOPD, BTC for the year 2024-25" under GAD SOPD BTC 2024-25 for A/A amount of **Rs. 30,00,000/- (Rupees thirty lakh)** only from the registered contractors of Class-II (A, B & C) category of Assam PWD (Roads) / (Building), BTC.
 Details may be seen at website <http://assamtenders.gov.in> and also at the Office of the undersigned during office hours.
 Sd/- Director,
 Panchayat & Rural Development,
 BTC, Kokrajhar
 IPR(BTC)/C/2024-25/1147

No.DPRD/BTC/GAD/Baksa-7/2024/ Dated Kokrajhar the 19th December 2024
PRESS NOTICE
 The Director, P&RD, BTC, Kokrajhar invites bids for work "Construction of Bathing Step at Gopal & Jagannath Than, Kachubari Tamulpur under SOPD for the year 2024-25" under GAD SOPD BTC 2024-25 for A/A amount of **Rs. 20,00,000/- (Rupees twenty lakh)** only from the registered contractors of Class-II (A, B & C) category of Assam PWD (Roads) / (Building), BTC.
 Details may be seen at website <http://assamtenders.gov.in> and also at the Office of the undersigned during office hours.
 Sd/- Director,
 Panchayat & Rural Development,
 BTC, Kokrajhar
 IPR(BTC)/C/2024-25/1146

NOTICE INVETING TENDER
 Sealed Tender is invited from the eligible Contractors for: 1. Construction of road with earth filling and sand gravelling of from Nabinagar Forest village to Raimona National Park via North side road for an amount of Rs.18, 00,000.00, 2. Construction of Katribari Bundh at Athiabari for an amount of Rs. 8,00,000.00 and 3. Construction of Katribari Jampwi Bund Gautam's Paddy field at Katribari village under Hogmabil VCDC sanctioned under SOPD. The tender from with all its terms and condition can be obtained from the Office of the undersigned between 11.00hrs to 16.00 hrs on working days till 26th December, 2024. The tender must be submitted to this Office within 3.00 pm IST of 26th December,2024.
 Sd/-
 Divisional Forest Officer,
 Kachugaon Division, Gossagaon.

No.KDB-448/2023-2024/10773 Dated Gurufela the 18/12/2024
NOTICE INVETING TENDER
 Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under SOPD-G fund for the year 2024-25 as stated below. The tender will be received by the undersigned upto 2.00 PM of 09/01/2025 and will be opened on same day at 3.PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion
1	Community based Tourism Scheme (Pt-I) under Bodoland Home Stay initiative at Raimona	Raimona	Rs. 10.00 L	0.03%	SC/ST= 1% OTH = 2%	3 months
2	Community based Tourism Scheme (Pt-II) under Bodoland Home Stay initiative at Raimona	Raimona	Rs. 10.00 L	0.03%	SC/ST= 1% OTH = 2%	3 months

 Details N.I.T may be seen in all working days during office hours in the office of the undersigned tender will be issued to the contractors of their authorized agent from 20/12/2024 to 09/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.
 Sd/- Block Development Officer,
 Kachugaon Dev. Block, Gurufela
 IPR(BTC)-2023-24/1145

No.KDB-415/2023-2024/10776 Dated Gurufela the 19/12/2024
NOTICE INVETING TENDER
 Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15th FC fund for the year 2024-25 as stated below. The tender will be received by the undersigned upto 2.00 PM of 09/01/2025 and will be opened on same day at 3.PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion
1	Const. of community Toilet at Nasraibil Shiv Mandir	Nasraibil	Rs. 11.00 L	0.03%	SC/ST= 1% OTH = 2%	3 months
2	Const. of community Toilet at Amritpur PIC Church	Amritpur	Rs. 11.00 L	0.03%	SC/ST= 1% OTH = 2%	3 months
3	Const. of community Toilet at Oxiguri Pentecostel Church IEC	Oxiguri	Rs. 11.00 L	0.03%	SC/ST= 1% OTH = 2%	3 months

 Details N.I.T may be seen in all working days during office hours in the office of the undersigned tender will be issued to the contractors of their authorized agent from 20/12/2024 to 09/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.
 Sd/-
 Block Development Officer,
 Kachugaon Dev. Block, Gurufela
 IPR(BTC)-2023-24/1144

पाकिस्तानआ आमेरिकाखौ गाग्लोबनो हानाय बेलेस्टिक मिसाइल बानायनो थांखि लादों

वाशिंगटन, 20 डिसेम्बर: आमेरिकानि लेखइ माहारियायि रैखाथि बोसोनगिरि जनाथन फाइनारआ बुंदोंदि, पाकिस्तानआ एरैबादि बेलेस्टिक मिसाइल बानायनो नाजादों, जाय खोला एसियानि अनगायै आमेरिकायाव गाग्लोबनायावबो जाफुंसारोन। बेनिखायनो पाकिस्ताननि थांखिनि सायाव सोंथि सिखानाया जाथावना आरो बे गोहोखौ मोनफुंनयनिप्रय बेखौ होबथानाया बयनिबो बिबान। मुलुग गोजोननि थाखाय दनाय फसंथाननि हाबाफारिआव फाइनारआ बुंदोंदि, बेखौ सान्नाया जोबोद गोब्राबदि, पाकिस्तानआ आमेरिकायाव गाग्लोबनो नाजानो हागौ, नाथाय बेयो आमेरिकानि थाखाय खैफोद सोमजिहोनाय बायदि। पाकिस्ताननि गोजान जान्थायसिम गावहरग्रा बेलेस्टिक मिसाइलखौ जौगाखां होनायनि हाबाफारिखौ नोजोर होना आमेरिकाआ



बृहस्पतिवारआव बिनि सायाव गोदान होबथानाय जाबसिन्दों। आमेरिकानि गनायनाय बादिब्ला, गुन्द्रासा हाथियारजों लेस पाकिस्तानआ जुदि गोलाव जान्थायसिम गावहरग्रा बेलेस्टिक मिसाइल बानायोब्ला बेयो मुलुगनि थाखायनो गिखंधाव फोरमान जानो हागौ। आमेरिकानि गुबुन हादरयारि मावख 'नि बुंधिगिरि मेल्यु मिलारआ बुंदों, बे होबथानाया पाकिस्ताननि नेसनेल

डेभेलपमेन्ट कम्प्लेक्स (एनडिसि) आरो गं 3 कम्पानीफोरनि सायाव गोहोम गोनां जागोन। बे होबथानायनि थांखिआ गोबां अन्जिमायाव जानो गोनां सुबुंधिनि खहाखौ होबथानाय। होबथानाया गोहोम गोनां जानायनि उनाव होबथाजानाय कम्प्लेक्स आरो कम्पानीफोरनि आमेरिकायाव थानाय सम्पतिखौ जब्द खालामनाय जागोन आरो बिसोरो आमेरिकाजों थोंजों एबा

खेंसालियायै फालांगि खालामनो हानाय नडा। बिबिदो बिसोरजों लोब्ला गोनां सुबुंधोराबो आमेरिकायाव दावबायनो हानाय नडा। एनडिसिनि आलादायै जाय गं 3 कम्पानीफोरो आमेरिकानि होबथानाय बेंखनआव फेदों। बेफोर जादों एफिलिएटस इन्टरनेसनल, अखर एन्ड सान्स प्राइभेट लिमिटेड आरो गक्साइड इन्टरप्राइज। बे गं 3 बो कम्पानीआ कराचिनि।

गाजाआव इजराइल सान्थिफोरनि उरां जाहाजजों

गाग्लोबनायाव सा 30 फिलिस्ताइनफोरनि जिउ गोमादों



गाजा, 20 डिसेम्बर: गाजाआव इजराइल सान्थिफोरनि नायबिजिरनाया लांथिथै सोलिगासिनो दड। गाजानि रैखाथि एजेन्सिआ बुनाय बादिब्ला, थांनाय बृहस्पतिवारखालि इजराइलनि गाग्लोबनायफोराव खमैबो सा 30 फिलिस्ताइनफोरनि जिउ गोमादों। बे गाग्लोबनायाव बिसोर हमासनि उतखारिफोरखौ नोजोर होदों मोन होन्नाने

मिथिहोदों। नोगोरारि रैखाथि एजेन्सिनि बुंधिगिरि महमुद बस्सलनि बादिब्ला, सान्जा गाजा सहरआव गंनै फ राय सारि फोराव गाग्लोबनायाव आइजो आरो गथ 'फोरजों लोगोसे खमैबो सा 13 सुबुंधोफोरनि जिउ गोमादों। बासलआ फोरमायनाय बादिब्ला, सान्जा गाजा सहरनि अल-दराज ओन्सोलाव शाबान अल-रेज फरायसालि आरो

अल-करामा फरायसालिखौ गाग्लोबनायाव बिसोर सुबुंधोफोरनि जिउ गोमायो। बेयाव खमैबो सा 30 गुबुनफोरा जोखोम जादों होन्नाने सुलुखव मिथिहोदों। गाग्लोबनाय समाव दावहाजों न' गैजायै जानांनय गोबां फिलिस्ताइनफोरा बे गंनै फरायसालिफोराव दडमोन। सान्थिफोरनि बादिब्ला, अल-दराज ओन्सोलाव थानाय फरायसालिफोरनि लांगोनायाव

एक्लिभ उतखारिफोरनि सायाव गोखोडै गाग्लोबदोंमोन। बे लांगोनाखौ हमासनि उतखारिफोरा उतखारि हाबाफारि आरो आइडिएफ सान्थिफोरजों लोगोसे इजराइल राइज्योनि हेंथायै उतखारि गाग्लोबनायफोरनि बिथांखि खालामनाय आरो बेफोरखौ फिन्नाय होनो थाखाय बाहायोमोन। बासलआ बुंदोंदि, मोनसे आलादा गाग्लोबनायाव गुबुन सा 13 सुबुंधोफोरनि जिउ गोमादों, जेब्ला इजराइलनि गंसे दावहारु उरां जाहाजआ सोनाब गाजा सहरआव अल-शती रिफिउजि केम्पआव दै सोबाय थानाय फिलिस्ताइनफोरनि मोनसे हान्जाखौ नोजोर होदों। सान्जा गाजा सहरनि अल-दराज ओन्सोलावबो गंसे न'आव गाग्लोबनायाव साब्रँ सुबुंधोफोरनि जिउ गोमानाय खौरां मोन्नाय जादों।

अनजिमानि लाइजाम

हरदोंमोन आं, अनजिमानो लाइजाम आंनि जिउनि होन्ना। सानो आं अनजिमाखौ आंनि जिउनि अनजालि हो न ना नै। आं नाथाय, अनजिमानो हरनाय लाइजामखौ, रावबो नुवा रावबो खोनानो मोना बे आंनि अनजिमानो हरनाय लाइजामखौ। आं सानो आंनि गोसोयाव बे दान्दिसे संसाराव अनजिमानि अनगायै रावखौबो लानो हानाय नडा। गोसो गोबोंजों मोजां मोननायखौ आं बोरै नागारनो हानो। जिउआ जोबलाडो आं अनजिमाखौ बावनो हाथारनाय नडा। बेनो आंनि अनजिमानि लाइजाम।

श्री अजय कुमार बसुमतारी
ला:सो:- सिम्बरगाव
जिल्ला-क' क्राझार बि टि सि आसाम।

गुमुर गैयै भ्रमण

एस आइ आर बसुमतारी

मासे फिसा इनजर इंगिनि गुदुं नागारनानै हाग्रा-बंग्रा हा सिडवनि हानजा दैदेननानै दाब-दाब गिदिं-गिदिं बेयाव दसे, बेयाव आयदासे एखनब्ला खिफिदेरनाय, एखनब्ला एरफुनाय बुहुमखौ बागदाव खांहोदों। राजखान्थिनि फनैसो मन्थ्रजों साधु बैरागिनि गिरुया जि जोख्लोबनानै गोदानै दाफिननाय जीउ राहाया दान्दिसे बुहुमाव फेरलेबसे रंजानाय लाबोदों। नाथाय सियाला गोथां महर लाब्लाबो बियो सियालानोखा; दावखाया दावराइनि गां थुदेरब्लाबो गुबै दावखायानो खा। बैरागीनि गाब गाब्लाबो आखुथाया इनजर इंगिनिनि; बिनि देंखोफोराबो गलिनो रोडे गोरा अन्थायनि बिदै। दा बै इनजर इंगिनिनाय भ्रमणनि थाखाय थांबाय स'नानि सिंहासनखौ नागारनानै गावखौ गुबै सन्यासी दिन्थिनो नाथाय बबे दिकनि भ्रमण रावबो गुमुर मोनाखै।

रंजालि गथ 'फोरनि सौरा

फै बर' फिसाफोर

फै बर' फिसाफोर मोस्लम बादि गिरजाब गिरजाब जानो सोलेंदोनि

फै बर' फिसाफोर जाम जाम जाना ग्रोम ग्रोम बर' माहारि दादोनि

फै बर' फिसाफोर अराय बोथोर नागारदोनि नख'र दावहा जानाय

फै बर' फिसाफोर दिन्थिदोनि बर'फोरा खौसे हारि होनना

- रैदोम बर', बाक्स

आं आंसो

आंखौ..... जंखायनाय, एदावनाय, सोंखारिनाय बेमा जेबादि हेब्रे -माब्रे सोंथेना लामा आन्दायहोना, अखा मोफ्लामना, जोमे दाखाबादि खोमसि जाहोयोब्ला..... आंहा बेफोरजों जेबो सोमोन्दो गैया आं आंसो।

मर'मि मसाहारि, बाक्स

गोसो थोनाय

आय' हाबाब गोसो थोनाय। मा एसेबां गोदै मा एसेबां मुजिथाव मा जिराद बेलाइ ? बेनो नामा गोसो थोनाया ? बेनो नामा मायानि जेआ ? सोर अबंलावरिया जोनोम होया ? बे अन्नाय मोजां मोन्नाइ आरो गोसो थोनायखौ सानथारा खैमोनदि आं - गोसो थोनाया बेबाइदि सानसे रजेखौ नुयाब्ला। सानसे रजेखौ लोगो हमनो मोनाब्ला सानसे रजेजों मोजां गात्रि बाथ्रा राइज्जालयनो मोनाब्ला। गोबों -गोसोआ गोजोन गैथारा। आरोबाव गोजोन गैबावया रजेखौ नुनानै आरो रजेजों राइज्जालनानै, लुबैलिया थानानै थानो रजे गैयाब्ला। नांबावगौ बेनिफ्राइ.....बाइदि बाइदि. गुबुनजों दाजाथों मोजां मोन्नाया आंनि रावनोबो दा बिलाइ हरथों आंनि रजेखौ, अबंलावरिनाव आर'ज गाबो आं। अबंलावरिनाव बोर बियो आं। मोजां मोन्नाइया आंनि फेलें थांज जाहाते बे जोनोमाव नों रजेखौनो आं मोनथारथों नों र'जेखौनो मोनथारथों आय' हाबाब गोसो थोनाय।

श्री थमास बसुमतारी,
गामि- कसुगाँव

रजे नों आंनि

रजे नोंखौ नुनानैनो आंनि गोसोआ बोदोर जाबाय, नोंखौ दसे नुवाब्लानो आंनि गोसोआ उसाव बादाव जाखाडो। खेबसे नुनायावनो आं नोंखौ गोसो गोरबोजों मोजां मोनबाय। आदा आं नोंखौ जेब्लाबो आंनि खाथियाव थाबाय थाजानो लुबैयो। नोंनि अनगा आंहा सिगाडव रावबो जिउनि असे लोगो गैयामोन, रजे आं नोंखौनो जेब्लाबो जिउनि मोदाय खालामनानै लानो हास्थायो।

थरायना पुजा बड'सा।
ला:सो:- दैमालु नोगोर (बिजनी) जिला - चिरां।

लोगोफोरखौ गोसो खानाय

लोगोफोरखौ गोसो खानाय हुदाखौ नागारबा आं। मानोना बेसोर बैसमनि बादि नंलिया, बिफां बिलाइ सोलायनाय बादि बेसोर गुस्लायजोबबाय। आंथ सान बायदिनो दाबो सिगां जेरै दाबो एरै। नाथाय नोंसोर दासान आंखौ सान बायदि थैनो रोंयै। बै समाथ थाबोबाय नोंसोरबोथ गावसा जोबबाय आंथ गेजेराव थाना गल गथ। आंनावथ बै समनि साइकेल बोरायानो दाबो दं, आंथ बै लामाजोंनो दाबो आवगा लांयो। नाथाय दिनै नोंसिनाव गैलिया दा नोंसिनाव दसै साइकेल बोरायनि जायगायाव कार,बाइक, सिक्किट। आरो नोंसोर बै लामाजों फैलिया। बेनिखायनो आं गोसो खानाय हुदाखौ नागारबाय आरो नोंसोर दा बे जायगायाव गैलिया।

सनिया बसुमतारी
गामि: ककिला बनगाव, बिस्वनाथ

मिजिं थिबाय

गेदेमा सुबुंधोफोरनि समाजाव दिन्थिलानाय मावमिन बोसोनथिया अराय वेवलांसार आरो गोजोरजाथों मिजिं थिबाय।

सबिराम बर'
राबां, बाक्स

सिमानि सैनाय

अ' आंनि सिमानि सैनाय, मैआसो बारहानाय। दिनैनो मेगन खेबजानाय, गाबोननो जुलि लाजानाय। नोंनि महरआनो बिदिन्थि, सानाखेमोन आं बिबिद। सानदोंमोन आं नोंखौ, सिमानिसो सैनाय, फोजा लांबाइसो नोंनि खानायबिलाय, मादि महर सारफावनाय स'ना नोंखौ, नोंनि बर' बिमाआलाय। मानोथो गोजावखो आंलाय, मानोथो गलि नांखो आंनि गोसोआलाय, नोंखौ नुनानैलाय, अ' सिमानि सैनायलाय, सिमानि सैनायाबो जामारो मोगथानि राणी दंमारोसै बर' बिमानि जोलै हाजो हायेन बर'नि बिबारि बिनि खायनो बर' हारिनि गेजेराव बिरबोयो बायदिसिना गाबनि सिखरि।

मुसि किंक राजा नार्जारी।
ला:सो:- स'नापुर।
जिला - चिरां।

सिनायै अनजालि

हाय अनजालि! जाखो नों बबेनि ? मिथियाखिसे आं नोंनि थं थेवबो नोंनि फंसे रायदावलांनय रावआ आंखौ सिमब्रेलाडो। नोंनि समायना गलाब राणी महरा आंखौ खालामबाय हालाय-हाफाय, नोंनि हायनारि गावदां महरा गेलेफैबाय खनले-खनले गोबों दरखंआव। आनदाय होबाय नों आंखौ बारसेल' गलाब बिबारिनि बागानाव, नोंनि समायना महरनि हायना सारफावनायाव। खारफा नांबाय नोंजों उन-उन थेवबो मोनाखिसे आं नोंनि थं, गोबोंआवल' गालांबाय नोंनि समायना गलाब राणी महरा।

मुसि सन्तस रामचियारी।
गामि - खारुवा (बिलपार)।
ला:सो:- खारुवा।
जिला - बागसा।

कंग्रेस 'राजभवन चलो' धर्नाखौ लानानै आसाम पुलिसआ केस थिसन्दों



कामरूप, 20 डिसेम्बर: आसाम पुलिसआ 18 डिसेम्बरआव आसाम प्रदेश कंग्रेस कमेटीनि 'राजभवन चलो' हँथा धर्नानि समाव नुजाथिनाय आइन बेव'स्थानि लोब्बायै मोनसे केस थिसन्दों। बेनि खौंखौ सासे गागि पुलिस बिबानगिरिया होयो। गुवाहाटीनि पुलिस कमिसनार दिगन्त बराआ बुडोदि, गुवाहाटी सिटी पुलिसआ 18 डिसेम्बरआ आसाम प्रदेश कंग्रेस कमेटीनि राजभवनवा जानाय जथुम्मायाव नुजाथिनाय आइनारि थासारिनि सायाव मोनसे केस थिसन्दों, कंग्रेसनि दैदेनगिरिफोर आरो मावफारियाफोरा बुधवारआव जम्मु चन्दिगड़ गुवाहाटी आरो पाटनाआव राजभवनफोरिसम रैलि खालामनायजों लोगोसे हादतनाडै

राइज्योयारि हाबाफारि खुंनायनि थाखाय बिबानगिरिनिफ्राय गनायथि लाथारनांगोन। बे थांखिखौ कंग्रेसनि मावसुमा मडुल इस्लामआ दुखु गोनाडै धर्ना खालामनाय समाव गुवाहाटीआव थैनायनि उनाव फोसावनाय जादों। आसामनि गिबि मन्थि शर्माआ बुंदों, राइज्यो बँगिरिनि आफादआ दोलोयारि राजखांथिनिफ्राय जौसिन। थानाय सानाव कंग्रेस पार्टीनि दैदेनगिरिफोरा पुलिस बेरिके डस सिमफायना राजभवनआव जर-जुतुमै हावनो नाजादों आरो खाथि-खालानि ओन्सोलफोराव दावराव गोसारहोदों। पुलिसआ एफआइआर थिसनगोन आरो भिडिअ रिक्डिफोरेखौ नायबजिरनायजों लोगोसे बै जाथाइखौ आबुडै नायबजिरगोन होन्नाबो बिथाड बुंदों।

आमेरिकान संसदआव ट्राम्पनि बिलआ नेवसिजादों



वाशिंगटन, 20 डिसेम्बर: आमेरिकान संसदआव ट्राम्पखौ मदत होनाय बिलआ पास जायाखै। हाउस अफ रिप्रेजेन्टेटिवआ गोदानै सायख 'जानाय हादतगिरि ट्राम्पनि फेडोरेल अपरेशनो फाड होनाय आरो गभर्मन्ट शाटडाउननि सानसे सिगां खरसाणि सिमार्खौ बांहोनाय एवा सास्पेन्ड खालामनायनि प्लेनखौ नेवसिगारो। सा 3 दर्जन रिपब्लिकानफोरा डेम्प्रेटसजों लोगो नांनो ट्राम्पनि हरखाव दाबि खालामनाय आरो जिअपि दैदेनगिरिफोरेनि फारसेनिफ्राय थियारि खालामनाय सुखानायनि हँथायै भट होयो। संसदआव बे बिलआ 174-235 भटजों नेवसिजायो। बेनि सिगां डनाल्ड ट्राम्पआ रिपब्लिकान पार्टीनि एमपिफोरेखौ बुधवारव खावलायना बुंदोंमोनिदि, बिसोरो सरकारनि 'शाटडाउन' खौ नेवसिनायनि थाखाय क्रस-पार्टी रदायखौ नेवसिगारनांगोन। शाटडाउननि ओथिया जादों, जुदि सरकार गोनांथार फान्डि मोनाब्ला, सरकारि मावख'आ बन्द' जानो हागौ आरो मावफारियाफोरेखौ बेथन गैयाजासे न'आव थिनहरनो हागौ। मोननैबो पार्टीनि एमपिफोरा गोरोबथाखौ गनायथिदोंमोनिदि, सरकारनो मार्चसिमाव फान्डि हरगोन आरो मावफारियाफोरेखौ बेथन होयालासे न'आव थिनहरनाय जानाय नड। नाथाय ट्राम्प आरो बिथानि माखासे हेफाजबगिरिफोरा बे रदायाव बांसिन खरसा जानायखौ लानानै रगा जौदोंमोन। बिथानिमोननि गेजेराव आर'बपति एलन मास्कआबो दंमोन। बिथानि बुंनया बायदिब्ला, बेजों हादतआव रंखांथिनि बजाय फँगोन। डेमक्रेटिक इसेल 'सुबु' अन्जिमानि दैदेनगिरि हकिम जेफ्रिजआ भट होनायनि सिगां बुडोदि, बे बिथानिखायो गोथौ नड। एमएजिए रिपब्लिकानआ जौखौ सरकारि बन्द'नि फारसे नारसिन्दों। हवाइट हाउसआ बेखौ आर'बपतिफोरेनि थाखाय अन्थोब होन्ना बुंदों।

सिरियाआव सुबुंखान्थि लाबोनांगौनि आरो आइजोफोरनि मोन्थायखौ लाना धर्ना खालामदों



दमिश्क, 20 डिसेम्बर: दमिश्कनि उमय्यद स्क्वायराव बृहस्पतिबारखालि गोबां सुबुंफोरा थुबुर जायो आरो दरसे औरैबायदि सुबुंखान्थि राइज्योनि दाबि खालामदों, जेराव राइज्योआरि जिउआव आइजोफोरखौ लाफायो। बेयो इस्लामाबाद दैदेन्नाय बिग्रायारिफोरगोबाव समनिफ्रायनो खुंथाय खुंनाय बशर अल-असदखौ बिबाननिफ्राय बोख्लायनायनि उनाव गिबि बेबायदि धर्ना होनायमोन। बे बेरेखा धर्नायाव आइजो होवा, लाइमोन आरो बोराय-बुरैफोराबो बाहागो लायो। बे समाव बिसोरो 'धोरोमारि खुंथाय' नि नडा, इश्कआ धोरोमनि थाखाय आरो जोनोम हाया बयनिबो थाखाय। जों बयनोबो सुबुं खान्थि नांगो, धोरोमारि राइज्यो नाड। सासे 48 बोसोरनि अयहम हमशाआ बुडोदि, गावसोर बेयाव गोजोने बै

सरकारफोरजों उतखारि आफाद महरी होवथाजानाय एडस्टिएसआ हादतनि माखासे धोरोमारि आरो हारियारि इसेल' सुबुं अन्जिमा थानाय हारिफोरखौ रैखाथि होनायनि खोथा होनानै गावनि फिन्नाय होनायखौ गुरै खालामनो नाजादों। बेयो 1 मार्चसिम हादतखौ सालायनो थाखाय मोनसे टुंन्सिटिसनेल लिडारसिप थिसन्नाय जादों। फोथायनाय होनायनि उनावबो माखासे सिरियान सुबुंफोरा गिखौदोदि, गोदान खुंथाया धोरोमारि खुंथाय फारसे आक्वायलांगोन, जाय इसेल' सुबुं अन्जिमा गोनां हारिफोरखौ जेनायव लाबोगोन आरो आइजोफोरखौ राइज्योआरि जिउनिफ्राय बाइजोआव दोनगोन।


पाकिस्तानआ स्ट्राइक निउक्लियार दाबि खालामदों



इस्लामाबाद, 20 डिसेम्बर: पाकिस्तानआ फिन खेबसेबाव बयनिबो सिगाडव गावखौनो फासिफोनांनो लाबावदों। बे खेबआव पाकिस्तानआ चीनजों जाय आखु दिन्थिदों बेयो मुलुगआव लाजिनांथाव जानानै फेदों। उतखारि, निखावरि, बेसेन बांनया, गेनाखान्थि खालामनाय बिसायख'थि, नोगोरारिफोरेनि गेजेराव असांनि, राजखांथिथियारि दिदोमथि गैयै आरो रंखांथिथियारि जेनाफोरजों बेंखनजानाय पाकिस्तानआ चीनखौ नारसिन्नों नाजादों। नाथाय फिन खेबसेबाव पाकिस्तानआ मोखां सायर' जानाडो। सुलुंनि बादिब्ला, बावैसो सिगां पाकिस्तान आरो चीननि गेजेराव मोनसे जर'खा जथुम जादों, जेराव ग्वादर जाहाज गाथोनखौ बाहायनाय आरो चीन-पाकिस्तान रंखांथि करिडरखौ लानानै सावरयदों। नाथाय पाकिस्तानआ बे खाबुआव एरेबादि सोलो खालामो जाय चीनखौबो गोमोहोदों। बे जथुमआव इस्लामाबादआ बुडोदि, जुदि चीनआ ग्वादरआव सान्थिनि केम्प बानायनो सानोब्ला बियो पाकिस्ताननो सेकेन्ड स्ट्राइक निउक्लियार इनाजिखौ हरनांगोन, जाहाथे बियो भारतजों समानथि खालामनायनि सिगांखौ जाफुहोहो हायो। नाथाय चीनआ बे दाबिखौ जाथावै होन्नाने गोखोडै नेवसिगारो आरो इयुनाव सावययगोनखौ जोबथा गैयै समनि थाखाय दोन्थ'यो। चीनजों सोलोखान्थिथियारि आरो सान्थिथियारि सावरयनाय फेलें जानाय पाकिस्ताननि थाखाय मोजां इसार नड। मानोनो रंखांथिनि आंखालजों भुगिनांनया इस्लामाबादआ चीननिफ्राय मोनाय रंखांथि मद्दनि पेकेजफोराव गोबां सोनारनांगौ जायो। चीनआ गोबाव समनिफ्रायनो पाकिस्तान सान्थिनि थाखायबो रैखागिरि जानानै दड, जाय बिसोरनो गोबां हाथियार आरो गुलि-बारुद जगायनानै होयो। गुलिनफ्राय लानानै दावहा नांग्रा उरांफोरसिम गासैखौबो जगायनानै होदों। मख'जाथावदि, पाकिस्तानआव हादरनाडै सुबुंफोरनि खुडिखानांनया आरो हँथा धर्नाजों लोगोसे थासारिया दिदोमथि गैयै जानानै दड। बिसायख'थिआव गेनाखान्थि खालामनाय आरो बारा' गहाइ मन्थि इमरान खानखौ जोबथेनानै दोन्नायखौ हगारनांगौ दाबिजों हादरनाडै गोखौ धर्ना खालामनाय जादों।

पिडिभिएसए आरो रिलाइन्स इन्डास्ट्रीआ थाव सोलायनाय हाबाफारिखौ जागायफिनबाय

गोदान दिल्ली, 20 डिसेम्बर : हादतनि बयनिखुइबो बेसेन गोसासिन कम्पनी रिलाइन्स इन्डास्ट्रीजनि लाख-लाख शेयार हल्डासनि थाखाय मोजां खौरं सफेदों। भेनेजुएलानि सरकारि थाव कम्पनी डिपिभिएसए आरो रिलाइन्स इन्डास्ट्रीजनि दावनि सोलाय-सोल' बेव'स्थाखौ फिन जागायबाय। भेनेजुएलानि सायाव आमेरिकाया होबथानायनि जाहोनाव बेखौ दोन्थ'नाय जादोंमोन। नाथाय जुलाइआव



आमेरिकया बेनि थाखाय गोनांथार लाइसेन्स होदोंमोन। पिडिभिएसएनि गांसे इंसिआरि

जागायजेन्नायाव 1.9 मिलियन बेरल गोथां थावजों लोगोसे सुपारटेंकारा भेनेजुएलानिफ्राय भारतआव फैनो रावना होदों। बेनि बदलै रिलाइन्सनि मोनसे इडनिटआ बे दानआव पिडिभिएसएनो 500,000 बेरल हेभि नाफथा हरदों। देग्लायनि बोसोरा रिलाइन्सनि शेयारफोरनि थाखाय मोजां होन्ना बुंजायाखै। थानाय 10 बोसोरव गिबि खेब बे शेयारआ नेगेटिभ रिटर्निनि फारसे आक्वायदों। कम्पनीनि शेयारआ जुलाइआव गावनि जौसिन 1,608.95 रॉनिफ्राय 21 जौखोन्दो दावख्लायदों आरो बे समाव बेनि मार्केट केपआ 4.4 लाख कौटि रॉनि बांसिन दावख्लायबाय। बृहस्पतिबारआव कम्पनीनि शेयारआ बिएसइआव 1.8 जौखोन्दो दावख्लायनायजों 1230.6 रंआव बन्द' जादोंमोन। थानाय 3 दानाव बे शेयारआव 16 जौखोन्दो आरो बोसोरसेयाव 4 जौखोन्दो दावख्लायदोंमोन। बेजों लोगोसे कम्पनीनि मार्केट केपआ 16,56,362.44 कौटि रंआव फैयो। रिलाइन्सनि शेयारआ 2017 आव 70.55 जौखोन्दो, 2018 निफ्राय 2020 सिमाव सरासन्ना रिटर्न होदोंमोन। बेनि उनाव लान्थ्रियै दावख्लायो आरो 2023 आव 1.44 जौखोन्दो आव थाफैयो।

मिज 'रामआव आसाम राइफलसनि जवानफोरा 8 कौटि रॉनि होबथाजानाय मुवा बोखांदों

आइजल, 20 डिसेम्बर: आसाम राइफलसनि जवानफोरा म्यानार सिमनानि खाथियाव मिज'रामनि चम्फाइ आरो लंतलाइ जिल्लाफोराव मोनै आलादा-आलादा अपरेसन सालायनायाव 8 कौटि रॉनिखुइ बांसिन बेसेननि गुबुन हादतनि सिगारेट आरो बार्मि सुपारि बोखांनो हादों। लंतलाइ जिल्लानि चेहलुन ओन्सोलाव मोनसे हाबाफारिनि गेजेरजों मिज'राम पुलिसजों लोगोसे आसाम राइफलसनि जवानफोरा म्यानारनिफ्राय स्मरिल खालामनाय गुबुन हादतनि सिगारेटनि मोन 600 खेप जब्द खालामदों। जब्द खालामनाय 7.8 कौटि रॉनि सिगारेटखौ बै सानावनो खाथिनि हनहथियाल जिल्लानि सिडाव थानाय थिसाइ गामियाव राइज्यो पुलिसनो



गथायनानै होनाय जादोंमोन। गुबुन मोनसे सिगोमनाय हाबाफारियाव आसाम राइफलस आरो कास्टम प्रिभेनटिव हान्जानि जुथाय टिमआ सुलुंनि खौरंखौ बिथा खालामना सिगोमनानै चम्फाइ जिल्लानि हमुमै हलथा याव 4,400 किल'ग्राम बार्मि सुपारि जब्द खालामदों। 30.8 लाख रॉनि गासै खेपखौ नायबजिरनो थाखाय चम्फाइयाव कास्टम प्रिभेनटिव हान्जानो गथायना

मनिपुराव सान्थिफोरा सान्थि हान्जाफोरनि गोदान कमिसन बिबानगिरिफोरनो मान बाउदों

इम्फल, 20 डिसेम्बर: कहिमायाव थानाय रैखाथि पिआरअ लेफ्टेनेट कर्नेल अमित शुक्लाआ बुंदोंदि, सा-सान्जा राइज्योनि लाइमोन बिबानगिरिफोरनो बिष्णुपुर जिल्लायवाव खुंनाय मोनसे जर'खा हाबाफारिनि समाव मान बाउयो। बिथाड बुडोदि, बे हाबाफारिखौ भारतयारि सान्थिनि गेजेरजों गावसोरनि फोलेर, ओन्सोल आरो गासै राइज्योनि थाखाय मोनसे मख'जाथाव आरो गोगाथाव समनि रंजाथाय फालिनो थाखाय खुंदोंमोन। बिबानगिरि साव लेफ्टेनेट निवाश नरेम, साव लेफ्टेनेट अभिनाश सिंह, साव लेफ्टेनेट एम सनाथइ सिंह आरो साव लेफ्टेनेट सुमित सिंहनो भारतयारि नेभिआव कमिसन होनाय जायो आरो फ्लाई अफिसार इन्दिश हुइडमनो भारतयारि अखामा सान्थिआव कमिसन होनाय जायो। बे हाबाफारिआव लाइमोन बिबानगिरिफोरनि बिमा-बिफाजों लोगोसे नख'नि गुबुन सोद्रोमाफोरा बाहागो लायो। सान्थि बिबानगिरिफोरा गोदान कमिसन मोनगा बिबानगिरिफोरनो मान बाउयो। लोगोसे बिसोरनि जाकुंसारनायनि थाखाय बाख्नायनायजों लोगोसे बिसोरनि नख'रफोरनि



मदद होनायखौबो गनायना लायो। बिथाड माखासे दावबायनायनि सोमोन्देबो खौरं शेयार खालामदों। बिथाड बे हाबाफारिखौ हादर सिबिग्रा बिबानगिरिफोर आरो बिसोरनि नख'रफोरनि थाखाय जोबोद गोगाथाव होन्ना बुंदोंमोन। बिथाड बुंवावोदि, बे लाइमोन बिबानगिरिफोरनि जाकुंसारनाया मनिपुरनि लाइमोनपारनि थाखाय थुलुंगानि मोनसे गोहो गोर फुंखा।

रसियाआ केन्सार्नि आरोबाव मोनसे भेक्सिन बानायगासिनो दं



मस्क, 20 डिसेम्बर : दिनेनि समाव गासै मुलुगानो केन्सार बायदि गोब्राव बेमारजों भुगिनांनानै दड। केन्सारनि बेसेन गोसा फाहामथाइ आरो भेक्सिन मोनैनि जाहोनाव माखासे सुबुंफोरा जिउ खोमाना लानांगौ जायो। बेनि गेजेरजों रसियाआ बे वेमारखौ सुखानो थाखाय मोनसे गिदिर खौरं फोसावयो। रसियानि बायदिब्ला, बिसोर केन्सारनि भेक्सिन बानायदों, जायखौ गासै नोगोरारिफोरा फ्रिआव मोनो हागोन। बेनि सोमोन्दे रसियानि सावसि बिफाननि रेंडियलजि मेडिकल रिसेच सेन्टरनि डायरेक्टर

आन्ड्रइ काप्रिनआ बुडोदि, रसियानि बे केन्सार भेक्सिनखौ आलादा-आलादा रोखोमनि बेमारिफोरनि थाखाय आलादा-आलादा बानायनाय जागोन। बेनि बेसेना 2.5 लाख रं जागोन। रसियानि नोगोरारिफोरा बे भेक्सिनखौ फ्रिआव मोनगोन। आथिखालाव मुलुगानि गुबुन हादतफोरा बे भेक्सिनखौ माब्ला मोनगोन बेनि सोमोन्दे काप्रिनआ जेबो खौरं होयाखै। रसियानि सावसि बिफाननि फोसावनाय बायदिब्ला, बिसोर केन्सारनि हँथायै मोनसे टिका बानायदों, जायखौ 2025 जागायनायनि सिगां रसियानि केन्सार बेमारिफोरनो फ्रिआव थुनाय जागोन। रसियानि सावसि बिफाननि रेंडियलजि मेडिकल रिसेच सेन्टरनि जेनेरेल डायरेक्टर एन्ड्री काप्रिनआ रसियानि रेंडिय चेनेलआव बे भेक्सिनखौ लानानै खौरं होदों। बेरा फारसे डायरेक्टर अन्ड्रेइ काप्रिनआ प्रिक्लिनिकल ट्रायलआव भेक्सिना गोहोम गोनाडै फोरमान जादों होन्ना फोरमायो। बेजों टिडमारनि जौगाखानाया लासै लासै जानायजों लोगोसे बेनि सायाव 80 जौखोन्दोसिम दावख्लायनायखौ नुनो मोननाय जादों। भेक्सिनखौ बेमारिफोरनि टिडमार सेल्सनि डायनि सायाव बिथा खालामनाय स्पेशेल प्रग्रामनि गेजेरजों डिजाइन खालामनाय जादों।

No.BDB/SOPD-104/2020-21/1893 Date 16/12/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 180 days, which will subsequently to be converted and drawn up in the printed of F-2 form are invited form are invited from the registered Contractors of Class-II and Class-I (A, B, & C) category of Assam PWD (Building) BTC, according to their eligibility for submitting tender for the following work under SOPD for the year 2024-25 as stated below.

The tender will be received by the undersigned up to 12.00 Noon on 30/12/2024 and will be opened on the same date & place at 2.00 P.M.

Sl. No.	Name of Works	Tender Amount (Approx)	Cost of Tender Paper	Time of Completion of Work
1	"Const. of Library at Rampur, Gaourah Supa under Chhanbarikhuti VCCD under SOPD scheme for the year 2024-25	12,50,000.00	500.00/-	6 (Six) Months from the date of issue of F.W.O.

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 20/12/2024 & 28/12/2024 in the office of the undersigned on payment in the form of Demand draft/Banker's Cheque from any Nationalized Bank, duly pledged in favour of the B.D.O. Baska Development Block Mushalpur, payable at S.B.I. Mushalpur.

Sd/- Block Development Officer, Baska Dev. Block, Mushalpur

IPR(BTC)-2023-24/1155

No.TECH-40/SE(R&B)/E-Tender/2020-21/Pt-II/20 Dated Kokrajhar the 18/12/2024

Tender No. 187 of 2024-25

PRESS NOTICE INVITING TENDER

The Superintending Engineer, PWD (R&B) Circle, Kokrajhar on behalf of Governor of Assam invite bids from approved and eligible Contractors registered with Public Works Department (Roads), Assam/Contractors registered with Bodoland Territorial Council in the category of Class-I (A, B & C) & Class-II for the following work with a bid validity of 180 (one hundred eighty) days from the date of opening of the tender.

Sl. No.	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs)
1	187_1	Construction of RCC Box Culvert (size-4x4 : 3 Cell) on Sialmari Lungung Village Road under the BTR SOPD for the year 2023-24.	29,80,936.00	06 (Six) Months	60,000.00 for General & 30,000.00 for Reserved Category	600.00
2	187_2	Construction of RCC Box Culvert (size-4x4 : 2 Cell) on Nepalpara LP & ME School to Naosali Forest Village Road under the BTR SOPD for the year 2023-24.	21,45,538.00	06 (Six) Months	43,000.00 for General & 21,500.00 for Reserved Category	500.00

Details may be seen at website <http://assamtenders.gov.in> and also in the office of the undersigned during office hours.

The Press Notice will be a part of the Bidding Documents.

Sd/- Superintending Engineer, PWD (R&B) Circle, Kokrajhar

IPR(BTC)-2023-24/1150

(1 बिलाडिन्फ्राय)

(1 बिलाडिन्फ्राय)

(1 बिलाडिन्फ्राय)

नगावआव जौगाथायनि 1 2 सान हाबाफारियाव गिबि मन्थ्रिआ बाहागो लादों

बिथांखिन सिडव ङ बानिकान्त काकति मेधि बन्था, गिबि मन्थ्रिनि जर'खा बिथांखिन सिडव 9 थाखोयाव फरायनाय फरायसाफोरनो साइकेल होनाय आरो आनन्दराम बरुवा बन्थानि सिडव गोर्जो मेट्रिक आन्जादाव 75 जौखोन्दो एबा बेनि बांसिन नम्बर मोन्नाय फरायसाफोरनो डिबिटिनि गेजेरजों नोगोद रॉनि बन्था होनाय जायो। मख'नो गोर्नादि, सोलेंथाइ बिफाननि प्रज्ञान भारत बिथांखनि सिडव ङ बानिकान्त काकति गुन गोर्ना बन्थानि सिव गोर्जौसिन गेजेरारि जोबथा आन्जादाव सेथि थाखोयाव उथ्रिसारनो हानाय फरायसुलि आरो 75 जौखोन्दो एबा बेनि बांसिन नम्बर मोन्नो हानाय नगाव जिल्लानि सा 3,450 फरायसाफोरनो स्कुटि होनाय हाबाफारिखौ गिबि मन्थ्रिआ बेखेवनानै होयो। गुबुन फार्सेथि, गिबि मन्थ्रिआ आनन्दराम बरुवा बन्थानि सिडव 2024-25 बोसोरनि मेट्रिक आन्जादाव 75 जौखोन्दो एबा बेनि बांसिन नम्बर मोन्नाय नगाव जिल्लानिफ्राय उथ्रिसारनो हानाय सा 1856 फरायसाफोरनो डिबिटिनि गेजेरजों नोगोद रॉनि बन्था होयो। बेनि अनगायैबो गिबि मन्थ्रिनि जर'खा बिथांखनि सिडव 9 थाखोयाव फरायनाय नगाव जिल्लानि सा 16,560 फरायसाफोरनो साइकेल होनाय हाबाफारिखौ गिबि मन्थ्रिआ बेखेवनानै होयो। बेनि लोब्बाजों उचन गोर्जौसिन गेजेरारि आरो थॉखि गोर्बां फरायसालिनि गेलेग्रा फोथाराव खुंनाय हाबाफारियाव बिबुंथि होनाय गिबि मन्थ्रि ङ शर्माआ बुडोदि, सोलेंथाइ लानायनि बिथिडव जाहाथे निखावरिथिया हेंथा महैर् गसंथानो हाया बे थॉखिजों राइज्यो सरकार गोर्बां बिथांखि मावफुंभोदों। निजुत मइना बिथांखनि बाथ्रा फोरमायनानै गिबि मन्थ्रिआ बुडोदि, दासान्दि बे बिथांखिया हादत नाडैनो नोजोर बोनो हादों। लोगोसे बिथाड बुंवावोदि, भारतनि गुबुन गुबुन राइजो-राजाफोर आसामाव फैनानै बे बिथांखनि सोमोन्दै मिथिनो नागिरदों। बे बिथांखिजों लोगोसे मोनसे गिदिर आदर्श हाबसन्नाय दं होना दाबि खालामनानै बिथाड बुडोदि, फरायसाफोर जाहाथे सोलेंथाइ लानायनि गेजेरजों मोर्जो नोगोरारि महैर् गावखौनो दाफुंनो हायो बे बायदि थॉखिजों बिथांखिखौ मावफुंनय जादों। गावनि बिबुंथियाव गिबि मन्थ्रिआ बिथांखनि गेजेरजों मा बायदियै फरायसाफोर मुलाम्फा मोन्नो हायो बेनि सोमोन्दैबो गुवार् फोरमायनानै होयो। गिबि मन्थ्रिआ बुडोदि, दिने गोदान आसामनि लुफुंथाय जात्रया जागायजेन्दों। आसामाव दानिया बुथारनायनि खौरां गैया। बेनि सोलायै सेमिकन्डाक्टरनि बायदि उद्यगआ सिगांग्रो नोजोर मोन्नो हादों। साफ्रोमबो जिल्लयावबो बुर्लुथुरनि सायाव दालां, फाहामथाय फरायसालिमा, मुलुगसोलेंसालि गायसनजानायनि सिमांजों दिने आसामा आगानसे दावगादों होना फोरमायनानै बिथाड बुडोदि आसामाव दुखु-दाहानि सोलायै जौगाथायनि फोर्बों फालिनाय जादों। गिबि मन्थ्रिआ बुडोदि, गिदिर-गिदिर उद्यगआव बाहागोदारि एबा इनभेस्टनि बाथ्राखौ दिने राइज्यो सरकार सानाय हनाय खालामो। दरसे आत्मनिर्भर आसामनि सिमांखौ मोकथां महर होनायनि बिथिंखो नुनो मोन्दों होनायै बिथाड बुडो। लाइमोन जौलैनि थाखाय गोदान आसाम लुनायनि जाय हाबाफारि जागायजेन्दों बेनि फिथाइखौ थाम खावसे बोसोरनि गेजेरव दिने सफैदों होना फोरमायनानै गिबि मन्थ्रिआ बुडोदि, आसामनि खना-खनला मानसिफोर दिने गोदान मुगायारि जानायनि सिमां नुदों। उन्दै बैसोयाव हाबा जानाय बायदि गात्रि आखुथायनि सोलायै दिने दिथागिरिफोरा गावनि गथ'फोरखौ गोर्जो इयुन दाफुंनयनि सिमां सुजुदों। गिबि मन्थ्रिआ बुडोदि, इयुनि आर्जिथाय आरो इयुन जिडखौ बिरेंदामिनआ दाफुंनो। बे बायदि बिरेंदामिन गोर्ना बिजाब फरायनोबो गिबि मन्थ्रिआ फरायसाफोरखौ खावलायहरो। बे बायदियै दावगालांबासो ज्ञाननि नोजोर गेवगोन होनायैबो बिथाड बुडो। गिबि मन्थ्रिआ सिमां, समायखिच आरो थॉखिनि गेजेरजों दावगालांनो थाखायबो फरायसाफोरखौ खावलायहरो। दिनेनि बे हाबाफारियाव खाजोना आरो खैफोद सामब्लायथाय बिफाननि मन्थ्रि केशब महन्त, हास्ति परिक्रमा बिफाननि मन्थ्रि बिमल बरा, एमएलए रुपक शर्मा, जितु गस्वामी, दिप्लुरन्जन शर्मा, शसिकान्त दास, बिजेपिनि नगाव जिल्लानि आफादगिरि अभिजित नाथ, एर्जिपिनि नगाव जिल्लानि आफादगिरि मनिमाधब महन्त, जिल्ला बेंगिरि नरेन्द्र कुमार शाह, पुलिस बिबानगिरि सपनिल डेकाजों लोगोसे फरायसाफोर, सोलेंथाइगुरु आरो माखासे गेदेमा सुबुंफोरा बाहागो लायो।

उदालगुरि जिल्ला एबसुनि खुंगा 50थि बोसोरसालिया जथुम्माया खुंफुंजाबाय

होयो बि.टि.आर. नि गाहाइ मावफुं सोद्रोमा प्रमद बर' बिथाड। लोगोसे बराय बिबुंथि लाखियो मावफुं सोद्रोमा ङ निलुत सरगियायारिआ। गेवलां मेलआव गाहाइ आलासि महैर् बाहागो लायो मिरु दुलाराय बर' फरायसा आफादनि आफादगिरि दिपेन बर'आ। गाहाइ आलासि महैर् बाहागो लानानै बिथाड बर' हारियाव एबसुनि बिहोमा, आदर्श हारि दानाय आरो समाजारि थासारिनि सायाव गुवार् बिबुंथि लाखिनानै एबसुनि मोन्थोरा बर' हारियावल' नड भारतनि गुबुन गुबुन हारिफोरनि गेजेरवबो बिहोमा दड होनायै दाजाबदेरनानै बुंवावो। दिनेनि बे हाबाफारियावबो जर'खा आलासि महैर् बाहागो लायो बर' थुनलाइ आफादनि गाहाइ नेहाथारि निलकान्त' गयारि आरो बड'लेण्ड मुलुगसोलेंसालिनि रेंजिस्ट्रार ङ सुबुं बसुमतारीआ। माननि आलासि महैर् मिरु एबसुनिफ्राय बाहागो लायो फारियै नेहाथारि आनान्द दैमारी, लोगो बुंथिगिरि बिबारि बर', सुबुं फोर्नांजाब नेहाथारि लहित चन्द्र बर', लोगो सोलेंथाइ नेहाथारि रमिअ बसुमतारी, बि.टि.आर.नि मावफुं सोद्रोमा दावबाइसा बर', गुबुन-गुबुन माहारियायारि आफादनि दैदेनगिरिफोर, मेलेमजिबिफोर, राइजो-राजाफोर आरो फरायसाफोरनि गोर्बांथार बाहागो लानायजों गेवलां मेला मोर्जोडैनो जाफुंसारो।

खन्थाइ बिबार हाज्याया अरन राजा

बसुमतारिनििसिम गाहाम हामब्लाइथि बाउहरदों

लोगोसे खन्थाइ बिबार हाज्याया मिर्जिथिदोंदि, लिरगिरि अरन राजा बसुमतारिन्फ्राय आरोबाव बेसेन गोसा सोरजिनया बिजाब फरायनो मोनगोन।

बानेश्वर बसुमतारी

आइजोफ्राबो हौवाफोरजों समान

आथिखालनि बादायारि बे बहुमाव आइजोफ्राबो गावसोरनि गुसुखर-मेलेम सिनथा भाबना, खामानि रॉग'थिनि गेजेरजों बाइदि जेंना सौसिनानैबाबो जौसिन मासि लानो हाबाय। बबेबा आयदायाव आइजोफोरखौ आइजोनि गेजेरवल' नड हौवाफोरनिखुइबो सिगांसिन जौसिन मासियाव समजनि मुकुट गान्नायै थानायखौबो जों मोगायै नुनो मोनबाय। बिनिखायनो बुंनो हागौ आइजोफ्राबो हौवाफोरजों समान समान जायगा लानानै दं। मेरिया इचटेला प'रन। बिथाड आर्जेन्टिना हादतनि गिबिसिन आइजो हादत गिरि (ई 1974 माइथाय)। नाथाय बिथिड खालि गावनि हादत आर्जेन्टियानिल' गिबिसिन हादतगिरि नड, दुलाराय बुहुमनिनो गिबिसिन आइजो हादतगिरि मोनदोनथि (रेकर्ड) जानानै दं। बिथानि उनावनो फैदों बुहुमनि गुबुन गुबुन

हादतफोरनि आइजो हादतगिरि बिथामोननि बिमुंफोर फारियै- मुस्त्रिमा अगाथाबारबारा मुस्त्रिमा भाइय'लेटा बेरियच डे चाम'रर', मुस्त्रिमा मेरी रबीनचन, मुस्त्रिमा भिगदिच फिनबगाड'टिर, मुस्त्रिमा कराजन एकुइल' मुस्त्रिमा दिनगिरि बान्दा बिजयतुंगा, मुस्त्रिमा इथा पाचकल टूडइल बिथामोनहानो फरियैनो माल्ट निकारगुडवा, अयास्लेण्ड, आइचलेण्ड फिलिपाइन, श्रीलंका आरो हाइटि हादतफोरनि जौसिन मासि हादतगिरि बिबानआव दं। बेबादिनो गाहाय मन्थ्रि (प्राइममिनिस्टार)नि गोर्जौ मासिनि बिबानावबो आइजोफोरखौ गोर्बां नुनो मोनबाय। जैर् श्रीलंकानि मुस्त्रिमा चिरिमाभ' बान्दरनायक, इन्नायेलनि मुस्त्रिमा ग'ल्ड मेयार, इलेन्डनि मागारिट थेचार, पाकिस्ताननि बेनाजिर भुट्ट बांलादेशनि बेगम खालिदा जिया, नरवयेनि ग्र'हारलेम बुन्टलेन्ड, डमिकानि मेरी इडजेनिया चार्लच, भारतनि इन्दिरा

गान्धी, फ्रान्सनि इडिथ क्रेचचन, कानाडानि किम केम्पुवेल बिथामोनहानो गाव हादतनि गिबिसिम आइजो गाहाय मन्त्रिफोर मोनदोनथि (रेकर्ड) जानानै दं, बावयैसो सिगां सेख हासिना अवाजेदआबो बांलादेशनि गाहाय मन्थ्रि जानो हाखांबाय। जैर् आर्जेन्टिया हादतनि मेरिया इट्टेला म'रनआ बुहुमनि आइजोफोरनि गिबिसिन आइजो हादतगिरि, थिख बेबादिनो श्रीलंकानि मुस्त्रिमा चिरिमाभ' बान्दरनायक बिथाडाबो बुहुमनि आइजोफोरनि गिबिसिन आइजो गाहाय मन्थ्रि। ओर्जोहाय गावनि हादतनि इर्सि राइज्यो प्छेटफ्रावबो गोर्बां आइजोफोरनो राइज्यो बेंगिरि आरो गिबि मन्थ्रि जानो हाबाय। आरोबाव गोर्बां मेलेम गोर्बौ आइजोफोरनो गाव हादतनिफ्राय गुबुन हादतआव थान्दे जानो हाबाय। बेबादिनो बाइदि बाइदि बिथिंफ्रावबो आइजोफ्रा गिबि जायगा आवग्रिनानै दं। जैर् सर्भियेट राचियानि

भेल'न्टिना निक'लायेभा तेरेखाभाया इ 1963 माइथायनि 16-19 जुनाव भे प्छक 6 बाहनजों नंखांमा दावबायारी जानो हाबाय। जेराव गोर्बां हौवाफोरनो न' उर्सुनि दां-दुफुर हाजोखौनो गाखोनो हाया, बेयाव ई 16-5-1975 माइथाय सुकुबार दिनाव बेसेबा गोर्जौ हिमालय माउन्ट एभारेष्टखौ जापानी आइजो जुंक् टाइबेइजा गाखोनो हानानै बुहुमनि गिबिसिन आइजो माउन्ट एभारेष्ट गाखोनय मुं लाखिबाय जे दैमा सोमॉड मौरां, मानास, संक'ष बोराय, आइ बुरी, दिदिं, सेत्राखौ हौवाफ्रा बारनो आइ बुरी, दिदिं सेत्राखौ बारनो साहस खालामा, बबेखानि आरति साहा (भारत)आ इंलिच सेनेलखौ बारनो हानानै बुहुमनि गिबिसिन आइजो इंलिच चेनेलखौ बारनो हानाय रेकर्ड लाखिबाय। जेखि जादोआ बुहुमनि गिबिसिन आइजोफोरनि गिबि जायगा आवग्रिनयनि बागै एसे फोरमायनो नाजानाय जाबाय।

चामगुरि बियाबनि आमबागान आरो खावैमारिआव मान बाउनाय हाबाफारि खुदों

मोजां मोन्नायनि थाखाय 24 रोजानिखुइ बांसिन भटआव देरहानो हादोंमोन होना गिबि मन्थ्रिआ बुडो। बिसायख'थिनि समाव राइजो-राजाफोरनो बाथ्रा होनाय बायदियै दिने चामगुरि बियाबाव फैनानै चामगुरिनि राइजो-राजाफोरखौ गोसो-गोर्बांजों हामलायथि बाउवो गिबि मन्थ्रिआ। बिथाड बुंदोंदि, चामगुरिनि बिसायख'थिया आसामनि राजखान्थियाव मोनसे गोदान सोलायथाय लाबोदों आरो 2026 माइथायनि बिसायख'थियाव चामगुरियाव बिजेपि दैदेन्नाय जुथाय दोलो बिजाथिनि देरहानया रोखा जादों होनाबो बिथाड मख'दों। चामगुरि बियाबनि गासै जौगाखानाय आरो जौगाथायनि थाखाय राइज्यो सरकारआ गासैबो थासारियाव हेफाजाब होगोन होनायैबो बुडो। गिबि मन्थ्रिआ आमबागानाव गं 30 बिसिना गोर्नां गंसे आदर्श फाहामसालि गायसन्दों, 50 लाख रं बाहायनानै आमबागान हाथाइनि फुजाबारिखौ समाइना लुनाय, लावखवा फाहामसालिखौ आदर्श फाहामसालि महैर् फोजौखानाय, आमबारि गोर्जौसिन गेजेरारि फरायसालिनि गेलेमु फोथार जौगाखानायनि थाखाय 2 कौटि रं अन्सुंथाय, लावखवा गोर्जौ गेजेर फरायसालिखौ गोर्जौसिन गेजेरारि फरायसालिसिम फोजौखानायजों लोगोसे न' लुनायनि थाखाय 8 कौटि रं गथायनायनि अनगायैबो गिबि मन्थ्रिनि जर'खा कटानिफ्राय चामगुरि बियाबनि थाखाय गोदानै 2.5 रोजा अरुन्दयनि मुलाम्फायारि थिसन्नाय जागोन होनायैबो फोरमायना होयो। दिनेनि बे हाबाफारियाव दै सम्पद बिफाननि मन्थ्रि पिजुस हाज'रिका, खाजोना आरो अलखद सामलाय बिफाननि मन्थ्रि केशब महन्त, उद्यग, फालांगि आरो राइज्योआरि फसंथान बिफाननि मन्थ्रि बिमल बरा, एमएलए पद्म हाज'रिका, दिप्लुरन्जन शर्मा, रामकृष्ण घष, सिबु मिश्र, धर्मेश्वर कबर, रुपक शर्मा, जितु गस्वामी, बिजेपिनि हजाइ जिल्लानि आफादगिरि अनुप देब, अगपनि कलियाबर जिल्ला आफादगिरि मनि माधब महन्तमोनजों लोगोसे बिजेपि जुथाय दोलोनि दैदेनगिरिफोर, मावफारियाफोर आरो माखासे मानगोर्नां सुबुंफोरा बाहागो लाफैदों।

बेनि उनावनो गिबि मन्थ्रिआ खावैमारियाव गुबुन मोनसे गेदेत सुबुं गौमायाव बाहागो लादों। मेलाव गिबि मन्थ्रि ङ शर्माआ बुंदोंदि, माइन्'रिटिआनो जाथों एबा अन्जिमानि गुरुआनो जाथों, गासैबो थाखोनि सरासनस्त्रा सुबुंफोरा बिजिरथायखौ हास्थायो। गाहाइ मन्थ्रि नरेन्द्र मदिनि सबका साथ, सबका बिकास, सबका बिस्वास, सबका प्रयाशमार्क दर्शनजों राइज्यो सरकारआ जौगाखानाय आरो जौगाथायनि जाय थान'नाय गैयै खामानि मावदों। बेनि फारसे गोथों थामोनथा फोरमायनानै चामगुरि बियाबनि सरासनस्त्रा सुबुंफोरा बिजेपि जुथाय दोलोनि बिजाथिखौ गोर्बां भटआव देरहाहोदों। बेनि थाखाय गिबि मन्थ्रिआ खावैमारिखौ गोसो गोर्बांनिफ्राय हामलायथि बाउदों। जेराव बाडइथार साननि थाखायब्लाबो चामगुरिनि थागिरिफोरा बिजेपि दैदेन्नाय जुथाय दोलोनि बिजाथिखौ देरहाहोदों, बिथाड सानफ्रोमबो चामगुरि बियाबनि गासै जौगाखानायनि थाखाय खामानि मावगोन होना गिबि मन्थ्रिआ बुडो। चामगुरि बियाबाव थानाय 15 बोसोर नाडै जाय खामानिया जायाखैमोन, फैर्गो 1.5 बोसोराव बेनिखुइ बांसिन खामानि मावनो नाजगोन होना गिबि मन्थ्रिआ बाथ्रा होयो। अरुन्दय बिथांखियानो जाथों, गिबि मन्थ्रिनि उद्यमिता बिथांखियानो जाथों। गासैबो सरकार बिथांखिनि बिथिहावनो निखावरि राइजो-राजाफोरनो बिजिरथाय होनायनि बाथ्राखौबो गिबि मन्थ्रिआ होदों। बिथाड बुंदोंदि, राइज्यो सरकारआ ओन्सोलनि लामा, लॉग्रा दै, मोब्लिब फोर्नांजाबनाय बायदि गासै बिथिडववनो जौगाखानायनि थाखाय नाजगोन। गावनि बिबुंथियाव गिबि मन्थ्रिआ खावैमारि एफआरइउखौ गंसे आदर्श फाहामसालिसिम फोजौखानाय, खावैमारि मिनि स्टेडियामनि जौगाखानायनि थाखाय 3 कौटि रं आरो खावैमारि गोर्जौसिन गेजेरारि फरायसालिनि न' लुनो थाखाय 8 कौटि रं गथायनाय जागोन होनायैबो गिबि मन्थ्रिआ फोसावना होयो। दिनेनि बे हाबाफारियाव आसाम सरकारनि मन्थ्रि पिजुस हाज'रिका, केशब महन्त, बिमल बरा, एमएलए दिप्लु रन्जन शर्मा, रुपक शर्मा, जितु गस्वामी, बिजेपिनि हजाइ जिल्लानि आफादगिरि अनुप देब, अगपनि कलियाबर जिल्ला आफादगिरि मनि माधब महन्तमोनजों लोगोसे बिजेपि जुथाय दोलोनि दैदेनगिरि, मावफारिया आरो माखासे मान गोर्नां सुबुंफोरा बाहागो लाफैदों। गुबुनफारसे गिबि मन्थ्रि ङ शर्माखौ गुवाहाटीसिम फैनय लामायाव चामगुरि टिनालियाव गोर्बां राइजो-राजोराफोरा बराय मान बाउदों।

फ्लायिं रुट इन्सटिटिउसनआ लाइमोनफोरखौ खामानियाव थिसन्नायनि थाखाय खुनो ...

जायखिजाया स्ट्रीमनिफ्राय ग्रेजुएट जानाय लाइमोनफोरनि थाखाय अपल' देहा फाहामसालिआव एडमेनिस्ट्रेटिथ स्टाफनि थाखाय बावैसो साननि उनावनो इन्टारभिउ खुनो थांगासिनो। जायखि-जाया स्ट्रीमनिफ्राय ग्रेजुएट जानाय गोसो गुदुं लाइमोनफोरा बे इन्टारभिउनि थाखाय आर'जलाइ गथायनो हागोन। अदेबानि जायफोर बिजाथिफोरा बे इन्टारभिउआव जिरायगोन बिथामोना फ्लायिं रुट इन्सटिटिउसनआव रेंजिस्ट्रेसन खालामग्रोनो नांगोन। दासान्दि रेंजिस्ट्रेसन खालामनाया सोलिगासिनो आरो रेंजिस्ट्रेसन खालामखानायनि उनाव माखासे साननि थाखाय फोर्नांथाय होनायनिबो राहा खालामगोन फ्लायिं रुट इन्सटिटिउसनआ। इन्टारभिउआव उथ्रिनाय एबा साइख'जानाय बिजाथिफोरखौ थोंजोडै अपल' देहा फाहामसालिआव एडमिनेस्ट्रेसन स्टाफनि थाखाय थिसन्थाय होनाय जागोन। बेनिखायनो जायफोर लाइमोनफोरा अपल' देहा फाहामसालिआव एडमिनेस्ट्रेसन स्टाफनि थाखाय खामानि मावनो गोसो बिथामोनहा थाबैनो फ्लायिं रुट इन्सटिटिउसनआव खौरां लाफैनो हागोन। थोंजों खौरां लानो थाखाय 8099554765 मबाइल नम्बरआव फोर्नांजाब खालामनो हागोन।

कलाइगावआव खेल महारन 2.0 आ ...

नेहाथारि शुक्लेस्वर बर'आ। मख'नो गोर्नादि, 17 बोसोर बैसो सिंनि हिन्जावसा दालाइयाव कछरीतल भिसिडिसि आरो हौवासा दालाइयाव सेडपतार भिसिडिसि, 19 बोसोर बैसो सिंनि भलिबलआव टंला भिसिडिसिआ देरहासारनो हायो। दिने खुंनाय खेल महारन 2.0 नि जोबथा हाबाफारियाव एमएलए दुर्गा दास बर', मावफुं सोद्रोमा दिगान्त बरबुवार्जों लोगोसे कलाइगाव खाजोना बेंखन बिबानगिरि काबेरि रंपिपि आरो खेल महारनजों लोब्बा थानाय भेर्गाव महकुमानि बिबानगिरिजों लोगोसे भिसिडिसिनि मासिगिरि-सोर्गोमाफोराबो बाहागो लायो।

भारत-भुटान सिमना ओन्सोलाव मैदेरनि उतखाराव गोर्बां न'-बां सिलिंखार जादों

लोगोसे न'थाव दोन्नाय माइर्-बखिनि माय जानानै सिलिंखार खालामो। थानाय हराव गामिनि मानसिफोरा उन्दुफुनाय समाव गामियाव हाबनानै हाग्रानि मैदेरा न'-बां बोफाय बोसि खालामनायाव गोर्बां सुबुंफोरा खुनुखुम जिउ रैखा मोन्नो हायो। गामिनि राइजो-राजाफोरा अर फोजौनानै, फतका बेरफु होनायै हाग्रानि मैदेरखौ होसो हस्नो नाजायोब्लाबो हाग्रानि मैदेरा सोरॉसि बुब्लिसिम उतखार खालामनायनि उनाव गामिनिफ्राय आनत्रायलाडो। मख'नो गोर्नादि, थानाय माखासे साननिफ्राय भुटान हाजोनिफ्राय आदार नागिरनानै ऑखारबोनाय हाग्रानि मैदेर फालोया सिमना ओन्सोलाव उतखार खालामनायनि जाउनाव उन्दुनाय गैया लासेनो हर बारहोनो गोर्नां जादों ओन्सोलनि राइजो-राजाफोरा। हाग्रा बिफाननि बिबानगिरिफोर सान-हर हाग्रानि मैदेर फालोखौ होखार हस्नो नाजादोंब्लाबो हाग्रानि मैदेर फालोखौ होसोर हस्नायाव फेलें जादों।

मानास माहारियायारि पार्कआव मान्दारिन हांसो ...

मान्दारिन हांसोखौ नुनो मोन्दों। सरासनस्त्रायै बे हांसोआ चीन, जापान, करिया आरो रासियानि माखासे जायगारिया जिब-जुनात आरो फिसा बिलोफोरनि हांसो। मान्दारिन हांसोआ आसामाव गिबि खेबनि थाखाय रेकर्ड सोरजिदों। बावैसोयाव तिनसुकियानि मताफुं मागुरि बिलोयाव बे हांसोखौ नुनो मोन्दों।

गाहाम देहानि राहा

गोजां बोथोराव दावदैखौ नेमखान्थि बादियै जायोब्ला माखासे जेंनानिफ्राय रेहाय मोनो

गोजां बोथोरआ सुबुनि जिउआव जागायनायजों लोगोसे माखासे जेंना लाबोफायो। दुंथाया फारियै खमायनायजों जोंनि ब्लाड सार्कुलेसनआ लायै जायो। जाउनाव हार आरो जराफोराव साखांनाय सोमजियो। बेनि अनगायै खानाय गुनाय आरो माखासे देहायारि जेंनाफोराबो सोमजियो। बेबादि थासारिआव डाइटआव माखासे जांमुफोरखौ नोजोर लाखिनांगी जायो। जर'खागिरिफोरा गोजां बोथोरव सानफोमबो दावदै जायोब्लानो थोजासे प्रटिन आरो अमेगा 3 बायदि थादेरसाफोरखौ मोनफुनो हायो। बेनि अनगायै दावदैनिफ्राय मिनारेल आरो भिटांमिन मोन्नाया गोजां बोथोरव जोंखौ माखासे जेंनानिफ्राय रेहाय मोन्नायाव हेफाजाब खालामो। गाहायाव बेनि मुलाम्फाफोरखौ होनाय जाबाय-



हाबाया साबसिन जायो। जेराव गोजां बोथोरआव दावदैखौ जायोब्ला मोजां कलेस्ट्रलआ जोंनि देहायाव बांनो हयो आरो देहायाव बेनिफ्राय भिटांमिन डिआ बाडो।

(2) लिस्थाया समास्थियाव थायो:- दावदैआ जोंखौ लिस्थाया बांनानिफ्राय रेहाय खालामो। बेबादि थासारिआव गोजां बोथोरव दावदै जायोब्ला जोनि हर्मनेल फांक्सनआ समास्थियाव थायो आरो जोंनि लिस्थाया दिदोमे थायो।

(3) ह्यारानि थाखाय मुलाम्फा गोनां:- दावदैआव भिटांमिन डि आरो जिंकनि बिबांनौ गोबां मोनो। जाउनाव बेयो ल्युटिन आरो जेक्सन्टिन बायदिनि

बिबांनौ बांनोनाने जोंनि हाराखौ सिंनिफ्राय गोखों खालामोबोयो। जाउनाव मोदोम साखांनाय आरो जरायाव सानाय बायदि जेंनाफोरा जानगासआव थायो।

(4) खानायनि थाखाय:- दावदै जायोब्ला खानाय गुनाया बाडाइ जायो। सरसन्सायै गोजां बोथोरव जोंनि खानायआ बांसिनै गुयो। जाउनाव डाइटआव दावदै सोफायोब्ला गोबां मुलाम्फा मोन्नो हायो। दावदैआव बायटिनबो थायो। जाउनाव भिटांमिन आरो बायदि सुफुंसार मुवा थानायनि थाखाय जोंनि देहानि थाखाय दावदैआ मुलाम्फा गोनां।

शाहरुख खानआ गावनि उदै फिसाज्ला अबराम खाननि एनुवेल फांक्सनआव नुजाहैदों



बलिउडनि सुपास्टर शाहरुख खानआ बृहस्पतिवारखालि गावनि फिसाज्ला अबराम खाननि एनुवेल फांक्सनआ गौरि खान आरो फिसाजो सुहाना खानजों लोगोसे सौहैदों। शाहरुख खाननि उदै फिसाज्ला अबरामआ क्रिसमास-टीमनि ड्रामायाव सासे स्मनेनि रल खालामदोंमोन। बिथांखौ पारफर्म खालामनाय नुनाने सुपास्टरखौ इमशनेल जानायबो नुनो मोन्दों। स्विन गेजेरजों, शाहरुख खाननि गोसोआ गलिनो हयो। मोनसे

भिडिअआव बिथांखौ गावनि सावथुन 'स्वदेस' नि मेथाइ 'ये जो देश है तेरा' खौ रोजाबनाने इमशनेल जानाय नुनो मोन्दों। सशेल मिडियाआव भाइरेल जाबाय थानाय मोनसे भिडिअआव शाहरुख खानखौ गौरि खाननि आगदा फारसे आरो सुहानाखौ आगसि फारसे जिरायनाय नुनो मोन्नो हागो। बिथांनि फिसाजोया जोबोद गोमो हाबो, जेब्ला गथ'फोरा गिदिर स्टेजआव लाइभ पारफर्म खालामो, अब्ला शाहरुख खानआबो गथ'फोरखौ थुलुंगा होनाने फिसाज्लानि मेथाइजों

लोगोसे रोजाबफानो जागायो। अनसाइगिरिफोरा सशेल मिडियाआव प्राउड बिफानि सावगारिफोरखौबो शोयार खालामदों। बिथांआ स्टेड पारफर्मन्सनि गेजेरजों अबरामनि सावगारिफोर आरो भिडिअखौ लादोंमोन। जेब्ला गथ'फोरा स्टेजआव पारफर्म खालामबाय थादोंमोन अब्ला बिसोरखौ थुलुंगा होनो थाखाय बिथांखौ आखाय खबनाय आरो चियाय खालामनायबो नुनो मोन्दों। अबरामखौ स्टेजआव नुनाने शाहरुख खाननि अन्साइगिरिफोरा जोबोद खुसि जादों। 11 बोसोर बैसोनि गथ'आ गावनि बिफा आरो बिदा आर्यानजों लोगोसे जयै डिज्जि लाइभ-एक्सन 'मुफासा दा लायन किं' आव गावनि गांय होदों। सावथुना 20 डिसेम्बरखालि भारतआव सिनेमा हलफोराव रिलिज जागोन।

मिस्टार बिस्टनि गेम स्व'आ अटिटिआव रिलिज जाबाय

अटिटि प्लेटफर्मआव गोदान स्व आरो सिरिजखौ नायगिरिफोरा नेनाने थायो। बावैसो सिगां एमाजन प्राइम भिडिअआव मुलुगनि मुंदांखा इडुटुबार मिस्टार बिस्ट एबा जिम्मा डनाल्डसननि गेमिं स्व'आ रिलिज जाबाय। मिस्टार बिस्टआ इडुटुवआव गावनि सेलेन्सफोरनि थाखाय मिथिसारजानाय। बिस्ट गेम्सखौ नायनो थाखाय नायगिरिफोरनि गेजेराव गोसो गुदु जाना थानाय नुनो मोनो आरो सशेल मिडियाआव इडुटुबारआ रिभिडबो शोयार खालामदों। बे स्व'नि जाहोनाव बियो जेंनायाव बे'खन्ना थायो। इडुटुबनि मुलुगआव मिस्टार बिस्टआ बादशाह महरै गावनि सिनायथिखौ होदों। अटिटि प्लेटफर्म एमाजन प्राइमआव



भिडिअआव बिनि गेमिं स्व'आ रिलिज जाखांबाय, जाय बिनो गोबां थुलुंगा आरो मिजिं होदों। बृहस्पतिबाराव अटिटि प्लेटफर्मआव मिस्टार बिस्टनि रिक्ड सिमफायग्रा स्व' बिस्ट गेम्सखौ रिलिज खालामबाय। मख'जाथावदि, इडुटुबार मिस्टार बिस्टआ बावैसो सिगां इडुटुवआव बयनिखुइबो बांसिन साब्रकाइबार थानायनि रिक्ड बानायदों। बेनि उननिफ्रायनो बिनि मुंआ गोबां जेंनाफोरजों

सरजाबफादों। मिस्टार बिस्टनि गेम स्व'नि बागै बुडोब्ला बेयाव 1000 कन्टेन्टेन्स दं, जाय 42 कौटिनि सोमोनाहोनाय प्राइजनि थाखाय बादायगोन। बेनि थाखाय बिसोरो मोनसे किउआर कड स्केन खालामनांगोन। बे प्राइजखौ मानिलायन मुनिं गंसे फिन्टेक कम्पनीनि फारसेनिफ्राय होनाय जायो, जाय सुबुंफोरनो नोगोद रं एडभान्स होयो। जर'खायै दानसेनि सेलारिआव सोनारना थाग्राफोरनो होयो।

'पुष्पा 2' सावथुननि वाल्डवाइड कालेक्सनखौ दावखोनाय नुनो मोन्दों

2024 माइथायनि जागायनाया मोजां गात्रिनि गेजेराव थादोंब्लाबो, नाथाय बेनि जोबनाया बक्स अफिसआव जोबोरैनो मोजां जागोन। आथिखालाव साफ्रोमनिबो खुगायाव मोनसेल' मुं दंसे, जायनि मुंआनो जादों 'पुष्पाराज' आल्लु अर्जुन आरो रश्मिका मन्डाना स्टारनि बे सावथुना मोनसे गोदान रिक्ड बानायगासिनो दं। डमेस्टिक बक्स अफिसआवथ' सुकु मारनि डायरेक्सनआव बानायजानाय बे एक्सन थिलार सावथुना जोबोद गोखैथिजों दावखोगासिनो दं। 5 डिसेम्बरखालि मेकासफोरा 'पुष्पा 2' सावथुनखौ



इन्डियाआव रिलिज खालामनायजों लोगोसे नो वाल्डवाइड रिलिज खालामदोंमोन। सावथुना गिबि सानावनो मुलुगनाडै खमैबो 288 कौटि रं आरजिदोंमोन।

वाल्डवाइड बक्स अफिसआव बे सावथुना 1000 कौटिनि बार रं आरजिनाने पठन बायदि सावथुनफोरखौ उन फारसे खालामनो हादोंमोन। अदेबानि बावैसो सिगां 15 थि सानाव सावथुना वाल्डवाइड आरोबाव

मोनसे गोदान रिक्ड बानायदों। 'पुष्पा 2' सावथुना मुलुगनाडैनो शाहरुख खाननि 'जवान' निफ्राय लानाने श्रद्धा कापुरनि 'स्त्रि 2' आरो एनिमेल बायदि सावथुनफोरखौ उन फारसे खालामनो हाबाय। ट्रेड

एनालिस्ट मनबाल भिजयबालनआ गावनि अफिसियेल एक्स एकाउन्टआनो सावथुननि वाल्डवाइड अन्जिमाखौ शोयार खालामनाने मिबथि होयोदि, सावथुना 15 सानाव गासै 1508 कौटि रं आरजिबाय। बे बोसोरनि बेयो गिबि सावथुन, जाय मुलुगनाडैनो 1500 कौटि रं आरजिनो हानाय। 'पुष्पा 2' आ रिलिजनि 13 थि सानाव वाल्डवाइड जेराव 42.63 कौटि रं सिम कालेक्सन खालामदोंमोन। 14 थि सानाव सावथुना 39.75 कौटि रं आरजिदोंमोन। बबेखानि वाल्डवाइड बक्स अफिसआव बृहस्पतिवारखालि बेनि कालेक्सनखौ जोबोद दावखोनाय नुनो मोन्दों।

सुपारमेन सावथुननि टिजार-ट्रेलारआ रिलिज जाबाय



जेम्स गनिनि माच आपटेड फिल्म सुपारमेननि टिजार-ट्रेलारआ रिलिज जाबाय। डेभिड करेन्सवेटआ गोदान सुपारमेननि फावआव नुजाथिगोन। ट्रेलारआव सासे सुपारमेननि अनगायै क्रिप्ट' सुपार डगाखौबो दिन्थिनाय जादों। टिजारआ जेब्ला जागायो, अब्ला नुनो मोनगोनदि, अखांनिफ्राय सुपारमेनआ बरफआव गोगलैयो आरो जोखोम जायो। बिथानि सेराव मासे सैमाया फैयो आरो बिखौ सुपारमेन मेनआ बुडोदि, आंखौ न'आव दोनलां। गासै टिजारआव खालि मोनसेल' डायलगा दड, आंखौ न'आव दोनलां। टिजारआव डेभिडखौ सासे रिपटर् केन्टनि महराव गिबि खेब दिन्थिनाय जादों। बिथांखौ चरमा गानाने जोबोद सरसन्सा सुबुं बायदि नुदों। केन्टनि मावसुमा लोगो आरो सुपारमेननि मोजां मोन्नाय लइस लेन (रेचल ब्रसनाहन), सुपारमेननि सुथुर, रेक्स लुथर (निकलास हल्ट) खौबो टिजारव दिन्थिनाय जादों। बे सावथुना 2025 माइथायनि जुलाइयाव रिलिज जागोन। सुबुंफोरा सुपारमेननि टिजार ट्रेलारखौ जोबोद मोजां मोन्दों। गोदान सुपारमेन सावथुना टेभिड करेन्सभेनि दसिमनि बयनिखुइबो देरसिन हलिउडनि सावथुन। क्रिस्टफार रिभ (1978-87), ब्रेन्डन रथ (2006) आरो हेनरि कैभिल (2013-24) नि उनाव बिथाड गिदिर पर्दायाव सुपारमेननि फाव दिन्थिगा ब्रैथि फावखुंगुर। सुपारमेननि सिगां जेभिडखौ दा पलिटिशियन, हलिउड आरो पर्ल बायदि प्रजेक्टफोराव नुनो मोनखांबाय। सुपारमेननि गाहाइ फावनि थाखाय कास्टिनि सिगां जेम्स गनआ सावरायलायनायाव सावथुननि थाखाय गावनि नोजोरथिखौ शोयार खालामदोंमोन। बिथाड बुंदोंमोनदि, सुपारमेनआ बैबादिया जानांगो जायनाव सुपारमेन बादि गासै क्लालिटि थायो। नाथाय बियो सासे एलियान बायदिबो जानांगो। टिजार ट्रेलारखौ नायनायनि उनाव गोदान सुपारमेनखौ सुबुंफोरा जोबोद बाखायगासिनो दड।

दिभि स्व 'तेनालि रामा' आ फिन खनसेबाव नुजाथि फैफिनबाय


2017 माइथायाव जागायनाय दिभि स्व 'तेनालि रामा'आ फिन खनसेबाव फैफिनदों। वेब लिड रल खालामनाय फावखुंगुर कृष्णा भारदवाजआ बावैसो सिगां मिबथि होयोदि, बिथांआ माबायदि गात्रि समजों गोमा मोगि जानो गोनां जाया आरो बिथांआ बेसेबां गात्रि थासारियाव दडमोन। क्लासिक स्व 'तेनालि रामा' खौ डिसेम्बर दानआव मोनसे गोदान सिजनजों लोगोसे लाबोफिन्याय जादों आरो बेखौ साब दिभिआव दिन्थिफुनाय जादों। बे स्व'आ मोनसे मुंदांखा भारतीय जारिमिनिनि केरेक्टर तेनालिन जिउनि सायाव बानायनाय। कृष्णा भारदवाजआ गावनि अनसाइगिरिनि खुसिनि थाखाय गोदान सिजनआव फिन खेब लिड रलआव फाव खालामदों। गावनि गोदान इन्टरभिउआव फावखुंगुरआ मिबथि होयोदि,



माबोरैहाय तेनालि रामाआ बिथानि जिउखौ सोलाय होया। बिथांआ फोरमायोदि, स्व'नि सिगां बिथांआ रं खांथि जेंनाजों जुजिगासिनो दंमोन। लोगोसेनो डिप्रेसनआवबो गोगलैदोंमोन। कृष्णाआ तेनालि रामानि स्क्रि नआव फैफिन्यायनि खुसिखौबो फोरमायदों। तेनालि रामाआ गावनि जिउआव माबायदिथै गोहोम गोगलैदों, बेनि सोमोन्दै फोरमायनाने कृष्णा भारदवाजआ इटइम्सनो मिबथि होयोदि, बेयो बिथांखौ खुसियै थाग्रा सुबुं खालामदों। बिथांआ बुडे, आं जिउआव माखासे

जेंनाफोरनि जाहोनाव दुखु आरो जारलायाव दडमोन। नाथाय 3 बोसोरसिम तेनालि रामानि फाव दिन्थिनाने आं मोन्दांनो हायोदि, आं सासे गोबां सुखु गोजोनाव थाग्रा सुबुं। आं माखासे जिनिस्फोरखौ जोबोद सान्तिथै हेन्डेल खालामदों। कृष्णाआ बेखौबो बुडोदि, बे स्व'आ बिथानि प्रफेशनेल लाइफआव मोनसे बेन्वमार्कमोन। बिथांआ बुडेदि, बे स्वखौ मोन्नायनि सिगां 4 बोसोरसिम बिथांनाव खामानि गैयामोन आरो बिथांआ रं आरो लोगोफोरनि अनगायै जुजिबाय थादोंमोन।

हलिउडनि माखासे सेलिब्रिटिफोरा भारतआव फैनो थाखाय एक्साइटेड जायो



हलिउड सेलिब्रिटिफोरनि पपुलेरिटिया जोंनि हादतआव मोजाडै दड। बिथांमोनहाबो भारतआव फैनो थाखाय एक्साइटेड जानाने थायो। बे बोसोरव हादतआव बलिउडनि माखासे सेलिब्रिटिफोरा फैदोंमोन। माखासे फोरा आम्बानीनि नख 'रनि जुलियाव बाहागो लाफैदोंमोन। फारसेथिं माखासेफोरा मिउजिक मोजां मोनग्रा सुबुंफोरखौ गोजोन होनो थाखाय भारतआव फैदोंमोन। माखासे मुंदांखा देंखोगिरिफोरा गावसिनि मिउजिक कन्सार्टखौबो सोलिफु बोसोरनि जागाय जे न्नायनि फ्रिय जोबजासिम हादतनि आलादा-आलादा जायगाफोराव खालामदों। देंखोगिरि रिहाना आरो जास्टिन बिबांरआ आम्बानीनि नख 'रनि जुलियाव पारफर्म खालामनो थाखाय भारतआव फैदोंमोन। सानैबो आनात आम्बानीनि जुलियाव समाइना मिउजिक पारफर्मन्स होदोंमोन। माखासे सानसिम रिहाना आरो जास्टिन मिउजिक पारफर्मन्सआ सशेल मिडियाआव गोसारनाने दडमोन। हलिउडनि मुंदांखा रिप्लिटि स्व'नि स्टार, सशेल मिडिया इनफ्लुएन्सर आरो फावखुंगुर किम कार्डिशियनआबो गावनि

डिजे एलान वाल्कारआबो भारतआव फैदोंमोन आरो बिथाड समाइना डिजे पारफर्मन्सजों अडियन्सफोरखौ बोदोर खालामदोंमोन। बावैसो सिगां हलिउडनि देंखोगिरि डुया लिपायाबो भारतआव फैदोंमोन। बिथांआबो मुम्बाइयाव गावनि मिउजिक कन्सार्ट खालामदों। बे कन्सार्टआव माखासे बलिउड स्टारनि किजसआबो बाहागो लादोंमोन दिलजित दसाङ्गनि मुम्बाइ कन्सार्टआव ब्रिटिश सिंगार एड शिरिनआबो मोनसे समाइना पारफर्मन्स होदों।

सहेल खाननि 54थि जोनोम सानाव बिथानि माखासे बाथा बेरखांदों



खान नख 'रनि उदैसिन फिसाज्ला सहेल खाननि दिने 54थि जोनोम सान। सलिम खाननि फिसाज्ला आरो बलिउडनि सुपास्टर सलमान खान आरो आरबाज खाननि फंबाय फावखुंगुर जानायजों लोगोसे सावथुननि डायरेक्टर आरो सावथुन दिहनिगिरिबो। सहेल खानआ फिल्म डायरेक्टर महरै सावथुन मुलुगाव आगान होफेदोंमोन आरो 1997 आव गावनि देरसिन बिदा सलमान खान आरो सन्जय कापुरजों लोगोसे एक्सन थिलार 'औजार' निफ्राय जागायदोंमोन। उनाव बिथाड 2002 आव 'मेने तुझको दिल दिया' निफ्राय गावनि एक्टि केरियारखौ जागायदोंमोन। सहेलआ गावनि बिदा सलमान खानजों गोथौयै अनलायनाय सोमोन्दो लाखियो। नाथाय नोंथांमोनहा मिबथिगौना सिगाडव सहेल खानखौ बिथानि बिदा सलमान खानआ खुद्रिखांदोंमोन। सलमान खानआ सानसेखालि गावसिनि उदै समनि माखासे बाथाफोरखौ खोनासंहोदोंमोन। बिथाड मिबथि होदोंमोनदि, गोबाव सम सिगां जों साथाम बिदा-फंबायबो टर्जन सावथुन नायगासिनो दडमोन आरो मोनसे खेला गेलेगासिनो दडमोन, जेराव अन्थाइबो दंमोन। आं गेलेनायाव औरैबादि गोमोदोंमोनदि, आं बावनाने सहेलखौ अन्थाइजों खुबैफलांदों। बैसमाव बिथाड जोबोद उदैमोन। बिथाड डास्टबनिनि उन्थिं थाडे आरो माखासे सेकेन्डनि उनाव सहेलआ गावनाने डास्टबनिनि उन्थिंजायनिफ्राय सिखारो आरो बिथानि देहानिफ्राय जोबोद थै बोहैदोंमोन। आरबाजजों आंजों बेनिफ्राय खारो। बेनि अनगायैबो सलमान खानखौ सानसेखालि सहेल खाननि जोनोम सानावबो खुद्रिनाय नुनो मोन्दोंमोन आरो बिथाड पेप्सनि सायावबो खुद्रिनायखौ दिन्थिदोंमोन। 2005 माइथायनि उनाव सहेलनि मोनथाम सावथुनफोरा लांथिथै बक्स अफिसआव फेलें जादों। बिथांखौ 2008 आव आरबाज खानजों लोगोसे 'जाने तु या जाने ना' सावथुनाव नुनो मोन्दोंमोन।

सिनियर मेन्स नेसनेल फुटबल सेम्पियनसिपआव मेघालयआ देरहादों

शिल्लं, 20 डिसेम्बर: मेचन 49 थि आरो 51 थि मिनटआव डनलाड डिंदहनि गोखोडै दिन्थिफुनायजों गल सोनाया हाइड्राबादआव खुजानाय सन्तप टुफी 2024-25 नि थाखाय सिनियर हौवाफोरनि नेसनेल फुटबल सेम्पियनसिपनि ग्रुप-बिनि थामथि राउन्डआव मेघालयखौ 2-0 गलआव देरहादों। बे मेचआव मेघालयनि देरहानाया गोनाथारमोन। मानोना बेनि सिगां मेघालयआ तामिलनाडुजों 2-2 गलआव ड्र गेलेनायनि अनगायै बेनि सिगां केरेलाजों 1-0 गलआव जेन्नायनि उनावबो क्वार्टर पाइनालनि मिजिंखौ फोथानानै लाखिदोंमोन। दिल्लीआ फारिये खेबनै देरहानायजों बे थारखोसिम सौफेदोंब्लाबो गावसोरनि लाश्रियै देरहानायखौ लाखिनायाव फेलें जाफेदों। देरहानाय हान्जा मेघालयनि कच हेरिं सांफ्लियांआ जोखोम जानाय गेलेगिरि पुलमुन



मुखिमनि जायगायाव केभिन रिम्बाइखौ खाबु होदों। जेराव लेडाइ केपेन दमन भालांआ बे हान्जायाव गाहाइ केपेन महैरि बिबानआव थादों। बे मेचनि गिबि हाफआव मोनबो गल सोलायनो हायाखैब्लाबो मेघालयआ नैथि सिजनआव गावसोरनि गाग्लोबनायखौ जागायदों। बे समाव दमन भालानि गोलाव जान्थायनि स्ट्रइकआ दिल्लीनि गल किपार राज महतखौ जेनायाव खोखलैदोंमोन। जाउनाव डनलाडनि थाखाय गल किपारनि हमनाय बलआ बाउस जानायाव गल सोनो खाबु

लाबोदों। बे गलनि दसे सम उनाव डनलाडनिसिम आरोबाव मुलाम्फा लाबोदोंमोन। बेनि उनाव दिल्लीआ आवगायफिनो नाजादोंब्लाबो मेघालयनि सिउयेल रिम्बाइआ गोखोडै सामलायदों। जेराव बिथाड हान्जाखौ देरहादोंनो थाखाय बेरेखा हान्जानि गोखों नारसिन्थायफोरखौ होबथानो हादों।

खेल महारन 2.0 नि सिडव बिधान सभा बियाब थाखोनि बादायलायनाया जागायजेनबाय

नगाव, 20 डिसेम्बर: खेल महारन 2.0 नि थामथि खोलोबनि सिडव बिधान सभा बियाब थाखोनि गेलेमु बादायलायनाया बरहामपुरनि स्पर्टस कमप्लेक्स गेलेग्रा फोथारआव जागायबाय। बे हाबाफारिआ राइज्योयारि थाखोनि खेल महारन 2.0 नि मोनसे बाहागो। जेराव बियाबयारि थाखोनि गेलेगिरिफोरा गुबुन गुबुन गेलेमुवारि थाखोआव गावसोरनि रेंगथिखौ दिन्थिफुनो खाबु मोनगोन। खेल महारननि बरहामपुर ओन्सोलोव दर 28 गामि पन्चायत आरो बरहामपुर बिधान सभा बियाबनि सिडव थानाय गंसे इउएलबिनि सिडव फ्राय 4000 रोजासो एथलीटफोय बाहागो लागोन। बे हाबाफारिखौ जायगानिनो एमएलए जितु गस्वामीआ बे खेवनानै होयो। जेराव बिथाडानो खेल महारननि आफादगिरि बिबानआव दड। बे हाबाफारिनि बेखेवजेनाय



फोर्बोंआव कलियाबर जिल्ला बिजेपिनि आफादगिरि बाबुल बरा, नेहाथारि अरबिन्द चौधुरि, पुर्निगुदाम मन्डल बिजेपिनि आफादगिरि मिन्तु शर्मा आरो बारा' एथलीट आरो गेलेमु खुंगिरि प्रभात चन्द्र बरानि अनगायै मुनाल बरा आरो गोबां देदेनगिरिफोर बाहागो लाफेयो। बे हाबाफारिआव बरहामपुर स्पर्टस एस'सिएसननि गाहाइ नेहाथारि प्लाबन बरुवाजों लोगोसे ओन्सोलनि गोबां मुंदाखा सुबुंफोरा बाहागो लाफेदों। जेराव बेखेवनाय फोर्बोंआव फिरीफला बिहोनय फोर्बोंजों लोगोसे मोनसे टर्स रेली आरो एथलीटफोरजों मोनसे

बेडमिन्टन सिनियर नेसनेल्सआव कर्नाटकआ बिमुं देरहादों, हारियानाआ आइजोफोरनि केटेगरिआव जाफुंसारदों

गोदान दिल्ली, 20 डिसेम्बर: कर्नाटक आरो हारियानानि बेडमिन्टन हान्जाया फारिये हौवाफोर आरो आइजोफोरनि केटेगरिआव मोजाडै दिन्थिफुनायजों सिनियर नेसनेल बेडमिन्टन सेम्पियनसिपआव बिमुं देरहादों। केबिए कर्टआव बादायनाय बिमुंनि मेचआव कर्नाटकआ हौवाफोरनि बिमुं आरो हारियानाआ आइजोफोरनि बिमुंनि बादायनायाव मोजाडै दिन्थिफुनो हादों। बान्जायगिरि हान्जाया गोखोडै दिन्थिफुनानै रेलवेनि हान्जाखौ गोखों दबथायनायजों 3-1 स्करआव फेजेन्ना नै बिमुं देरहादों। कर्नाटकनि जानानै अनुप श्रीधरआ बे मेचआव मोजाडै दिन्थिफुनो। जाउनाव बिथाड



अन्सायगिरिफोरनि गोसोखौ देरहानो हादों। बिथानि मददजोंनो कर्नाटक बेडमिन्टन एस'सिएसनआ 1977 नि मोनसे गोसोखांथिखौ अन्सायगिरिफोरनि गोसोआव लाबोदों। जेराव एस'सिएसनआ

देरहानायनि थाखाय 6.5 लाख रांनि उफ्रा नोगोद बान्था फोसावो। कर्नाटकनि हान्जाया एस भार्घब आरो लाइमोन जावजा गेलेगिरि निकलास

नातराज-तुषार सुभोरनि गोबां मदद मोन्दों। जेराव भार्घबआ जुनियर वर्ल्ड सेम्पियनसिपनि ब्रन्ज मेडलिस्ट आयुष शेठिखौ फेजेन्ना हादों। बिथानि अनगायै

निकलास आरो तुषारआ के पुटभै रथ-साइ प्रतिकनि जराखौ फेजेन्ना। बेनि सायाव कर्नाटकनि कच जगदिश यादवआ गोब्राब सेलेन्जनि गेजेरजों जावजानि बादायनायाव देरहानायखौ लानानै गोजोन्नाय फोरमायो। आइजोफोरनि थाखोआव हारियानाआ गुजराटखौ 3-2 स्करआव फेजेन्ना। जायनि फारिआव तास्निम मीर आरो श्रीया लेलेआ देरहानाय हान्जानि जानानै मोजाडै दिन्थिफुनो हादों। नाथय आनमल खरबआ गावनि मोननैबो सिंगेल्स आरो डाबल्सखौ देरहानायजों हारियानानि आवगायनायाव हेफाजाव होनो हादों।

एशियन कापआव भारतआ थाइलेन्डजों जायगा मोन्दों

गोदान दिल्ली, 20 डिसेम्बर: भारतनि हान्जाया एएफसि बिच चक्कार एशिया काप थाइलेन्ड 2024-25 नि गुप-एआव बान्जायगिरि थाइलेन्ड, कुवेत आरो लेबानननि हेंथायै ड्र जादों। जेराव गासै मोन 16 हान्जाफोरखौ 4-4 हान्जायाव मोननै गुपआव बोखावनाय जादों। जेराव बेनि ड्रखौ एएफसि हाउसआव खुंफुनाय जादों। भारतनि हान्जाया 18 बोसोरनि उनाव बे बादायलायनायाव बाहागो लागोन, जेराव जोबथा खेब भारतआ 2007 आव इउएइआव जालानाय बे सेम्पियनसिपआव बाहागो जादोंमोन। भारतनि नेसनेल बिच चक्कार हान्जाया इन्डनेसियाआव 2008



माइथायाव जालानाय एशियाव बिच गेम्सनि उनाव गिबि खेब बाहागोयारि जानाय महैरि सांग्रोंडै दिन्थिफुनायजों जागायनो नाजागोन। थामथि खेब थाइलेन्डजों बान्जायजानो गोनां एएफसि बिच चक्कार एशिया कापनि 11 थि खुंथाया फेगौ 20-30 मार्च 2025 सिमनि गेजेराव पत्तायानि

जमतिन बिचआव खुंजागोन। गासै मोन 16 हान्जाफोरखौ 2023 नि बादायलायनायनिफ्राय गावसोरनि जोबथा रेंकिनि सायाव बिथा खालामनानै मोननै गुपआव सायख'नाय जादों। जेराव थाइलेन्डआ बान्जायग्रा गौथुम महैरि गिबि मासिआव जायगा मोन्दों।

अल आसाम जुनियर रेंकिं टेनिस टुर्नामेन्टआ जागायबाय



गुवाहाटी, 20 डिसेम्बर: 34 थि अल आसाम जुनियर रेंकिं टेनिस टुर्नामेन्टआ गुवाहाटी नोगोरमानि सिडव थानाय नर्थ-इस्ट टेनिस फाउन्डेसन कर्टआव जागायजेनबाय। फ्राय 200 सो गेलेगिरिफोय राइज्योनि गुबुन गुबुन ओन्सोलफोरनिफ्राय बे टुर्नामेन्टआव बाहागो लाफेदों। जाउनाव अन्सायगिरिफोय बिसेोरनि गेजेराव गोखों सेलेन्ज होन्त्यागोनखौ मिजिंथिदों। बे टुर्नामेन्टखौ जिएआइएल इन्डिया लिमिटेडनि सिनियर मावख'गिरि गपाल गौनि बेखेवजेनाय हाबाफारिजों जुस्निय जादों। जेराव बेखेवजेनाय सानखालि एएटिएनि आफादगिरि रिक्तिम शइकिया, आजिय मोनाय जास्टिस पिजि आगरखालनि अनगायै बारा' राइज्योयारि टेनिस गेलेगिरि गपाल दत्तआबो बाहागो लाफेदों। बे टुर्नामेन्टआव राइज्योनि रेंगथि गोनां गेलेगिरिफोय गावसोरनि गोखों आगानखौ देरहानायजों जागायजेननो ओंखारबाय।

वर्ल्ड सेम्पियन आर्जेन्टिनाआ फिफा रेंकिंआव बयनिबो जौसिनआव

ब्युन्स आघार, 20 डिसेम्बर: फुटबल वर्ल्ड सेम्पियन आर्जेन्टिनाआ 2024 आव फिफा रेंकिंआव फारियै नैथि खेबनि थाखाय जौसिनआव जायगा आवग्रिफिनो हादों। थामहिनबा बे हान्जाया फारियै नैथि बोसोरावबो हौवाफोरनि हान्जाफोरनि फारिआव टप मासिआव जायगा मोन्दों। फिफानिफ्राय फोसावनाय गोदान रेंकिंआव गोबां सोलायनाय फेयाखै। मानोना थानाय नभेम्बर दाननि सिगां खेब 21 हारिमायारि मेचल' जालानायनि जाउनाव हान्जाफोरनि मासिआव बारा गोहोम गोग्लैयाखै। आर्जेन्टिनानि हान्जाया फ्रान्सनि मासिखौ फारियै नैथि बोसोरावबो आवग्रिदों। जेराव इउपीयान सेम्पियन स्पेनआ गिबि मासिनि थाखाय थानाय माखासे बोसोरनिफ्रायनो गोब्राब नाजादोंब्लाबो सौहैनो हायाखै। टप 10 फारिलाइआव मोनबो सोलाय-सोल' जायाखै। जायनि फारिआव इलेन्ड, ब्राजिल, पर्तुगाल,



नेडारलेन्ड, बेल्जियम, इटाली आरो जार्मानीआ फारियै जायगा मोन्दों। फिफाआ फोरमायनाय

बादिब्ला, 2024 नि सिजनआव बांसिन मेच गेलेनाय जादों। जेराव थानाय

12 दानआव हान्जाफोरनि आवगायनायखौ थिसन्नो मोन्दों।

जिटिसि आरो एनइइउएफसिआ गोखों दिन्थिफुनायजों गावसोरनि अभियानखौ फोजोबदों

गुवाहाटी, 20 डिसेम्बर: गुवाहाटी टाउन क्लबा (जिटिसि) आ गुवाहाटी नोगोरमानि जाज फोथारआव गुवाहाटी साइखौ 5-0 गलआव फेजेन्ना नै गावसोरनि जिपिएल फुटबल केम्पेनखौ फोजोब्याय। बे

मेचआव देरहानाय हान्जानि जानानै जयन्त बागलारि, अनुपम बरगहाइ(2), सन्जिब डेका आरो अमर भुजेलआ जिटिसिनि थाखाय गल सोनो हादों। बे समावनो नर्थ-इस्ट इउनाइटेड एफसिआ रेड



बि इंकखौ 2-0 गलआव फेजेन्ना नै गावसोरनि अभियानखौ फोजोबो। बे समाव ऋति सेबआ देरहानाय हान्जानि हिर' जानो हादों। मानोना बिथाड हान्जानि जानानै गरनैबो गलखौ नेटनि सिडव सोनो हादों।

ऋतिआ मेचनि 90 आरो 90+2 मिनटआव गल सोदों। बे टुर्नामेन्टनि फाइनालआ बे थावनिआवनो शुक्र बारखालि जागोन। जेराव इउनाइटेड चिरां दुवारआ गिबि सेमिफाइनालआव

बेलासिनि 3.00 रिंगायाव एनएफआरएसएजों सेलेन्जआव ओंखारगोन। बेनि उनाव प्राइड इस्ट माभेरिक्सआ नैथि सेमिफाइनालाव बेलासिनि 5.30 रिंगायाव एफसि ग्रीन भेलिजों सेलेन्जआव ओंखारगोन।